

IZVJEŠTAJ RADO

7. 11. 2024 - 7. 3. 2026.



Sadržaj

Intervju s Predsjednikom	6
POGLAVLJE 1	12
O NAMA	
1.1. Program aktivnosti Olimpijskog Komiteta Bosne i Hercegovine	16
1. 2. Ciljevi i djelatnost Olimpijskog komiteta Bosne i Hercegovine	18
1.3. Olimpijski komitet Bosne i Hercegovine 2020 – 2024	22
1.3.1. Predsjedništvo Olimpijskog komiteta Bosne i Hercegovine	22
1.3.2. Izvršni komitet Olimpijskog komiteta Bosne i Hercegovine	24
1.3.3. Članovi skupštine Olimpijskog komiteta Bosne i Hercegovine	26
1.3.4. Nezavisna tijela Olimpijskog komiteta Bosne i Hercegovine	27
1.3.5. Komisije Izvršnog komiteta Olimpijskog komiteta Bosne i Hercegovine	30
1.3.6. Administracija Olimpijskog komiteta Bosne i Hercegovine	32
1.3.7. Sportski savezi BiH - članice OK BiH	34
POGLAVLJE 2	36
AKTIVNOSTI	
Olimpijskog Komiteta BiH 7. 11. 2024 - 7. 3. 2026.	
2.1. Generalna skupština Olimpijskog komiteta Bosne i Hercegovine	38
2.1.1. Aktivnosti po pitanju finansiranja vrhunskog sporta u BiH	40
Saradnja OK BiH s predstavnicima vlasti	40
“Vizija i put ka Olimpijskim igrama LA 2028”	42
2.2. Predsjedništvo Olimpijskog komiteta Bosne i Hercegovine	44
2.2.1. Međunarodno predstavljanje	46
2.3. Izvršni komitet Olimpijskog komiteta Bosne i Hercegovine	50
2.4. Rad Komisija Olimpijskog komiteta Bosne i Hercegovine	52
2.5. Članstvo OK BiH predstavnika u komisijama EOK-a i ICMG-a	56
2.6. Obilježavanje godišnjice ZOI Sarajevo 1984	58
2.7. Mediji i odnosi sa javnošću	60
2.7.1. Konferencije za medije	60
2.7.2. Podkast i video promocija Olimpijskog komiteta Bosne i Hercegovine	61
2.7.3. Društvene mreže OK BiH	62

2.7.4. Novinski članci o radu OK BiH	64
2.7.5. Newsletter	65
2.7.6. Gostovanja	66
2.8. Publikacije Olimpijskog komiteta Bosne i Hercegovine	68
2.8.1. “40. godišnjica Olimpijskih igara u Sarajevu 2024”	68
2.8.2. Mandatna knjiga - Izveštaj o radu Olimpijskog komiteta BiH za period 7. juli 2023 - 7. novembar 2024. godine (16 mjeseci predsjednik akademik prof. dr. Izet Rađo)	69
POGLAVLJE 3	70
PROJEKTNE AKTIVNOSTI	
7. 11. 2024 - 7. 3. 2026.	
3.1. Takmičenja	72
3.1.1. Zimski EYOF Bakuriani 2025 (Gruzija)	72
3.1.2. Ljetni EYOF Skoplje 2025 (Sjeverna Makedonija)	74
3.1.3. Zimske olimpijske igre Milano Cortina 2026 (Italija)	80
3.2. Stipendije i podrška za učešće na takmičenjima	88
3.2.1. Stipendije za potencijalne učesnike ZOI Milano Cortina 2026	88
3.2.2. Stipendije za potencijalne učesnike OI Los Angeles 2028	89
3.2.3. Dodatna podrška OK BiH vrhunskim sportistima za kvalifikacije na ZOI Milano Cortina 2026 i Road to LA 2028 Kontinentalni grant i Program+	90
3.2.4. Podrška mladim olimpijskim nadama Bosne i Hercegovine	92
3.3. Nagrade i podsticaji	94
3.3.1. Izbor sportiste 2024. godine u organizaciji OK BiH	94
3.3.2. Izbor sportiste 2025. godine u organizaciji OK BiH	98
3.3.3. Nagrade za istaknuti sportski rezultat – osvajači medalja na višesportskim takmičenjima u organizaciji OK BiH	102
3.3.4. Nagrade za postignute vrhunske sportske rezultate	103
3.3.5. Nagrada Energoinvesta najboljim sportistima u kategoriji juniora za 2025. godinu	104
3.3.6. Nagrada Predsjedništva Bosne i Hercegovine olimpijcima Pariz 2024	105
3.4. Sportski savezi Bosne i Hercegovine	106
3.4.1. Napredni kursevi menadžmenta u sportu ASMC 2025	106
3.4.2. Grant podrške timskom sportu - Ženska košarkaška reprezentacija	108
3.4.3. Grant podrške timskom sportu - Ženska ragbi reprezentacija	108

3.4.4. Razvoj državne sportske strukture golfa	109
3.4.5. Razvoj državne sportske strukture atletike	109
3.4.6. IBU - Omladinski trening kamp Njemačka 2025	110
3.4.7. Nabavka sportske opreme za reprezentativne selekcije i VIP poklone	111
3.5. OK BiH i IASaInBiH	112
3.5.1. Simpozijum “Diplomatija u sportu kao društveni fenomen međunarodne promocije i razvoja Bosne i Hercegovine”	112
3.5.2. Simpozijum “Životna dob i zdravlje”	116
3.6. Projekti OK BiH putem fondova Evropske unije	118
3.6.1. OCEAN	118
3.6.2. SPORTS AS VALUE, OLYMPIC KIDS & WOMEN4SPORT	119
3.6.3. Projekat “SAFEHARBOUR”	120
3.6.4. STRONG, VALUE COMPASS, WE LEAD & WAVE	121
3.6.5. Evropska sedmica sporta	122
3.7. Projekti promocije, edukacije i Olimpijsko naslijeđe	124
3.7.1. Seminar sportske medicine “Sport i srce” 2025	124
3.7.2. Forum sportista 2025	126
3.7.3. Olimpijski dan 2025, Ljubuški	128
3.7.4. Specijalizacija u oblasti sportskog prava - Lejla Njemčević	132
3.7.5. Master program sportske etike i integriteta - Žana Novaković	134
3.7.6. IOC Certificate: Safeguarding Officer in Sport - Ema Habul	135
3.7.7. Olimpijske školarine za trenere UCI - Marko Martinović	136
3.7.8. Olimpijske školarine za trenere IBU - Anastasija Vojinović	137
3.8. Ostali projekti Olimpijskog komiteta Bosne i Hercegovine	138
3.8.1. Humanitarni rad 2024	138
3.8.2. Humanitarni rad 2025	140
3.8.3. Menadžment inicijative 2024	141
3.9. Specijalna partnerstva	142
3.9.1. Sportske igre mladih 2024	142
3.9.2. Ostala specijalna partnerstva OK BiH (bez materijalno-finansijske kontribucije)	143

POGLAVLJE 4	SPONZORI I PARTNERI Olimpijskog Komiteta BiH	144
4.1. Olimpijski komitet i Coca-Cola u Bosni i Hercegovini nastavljaju stvarati olimpijske priče		146
4.2. BH Telecom i Olimpijski komitet Bosne i Hercegovine nastavljaju višedecenijsku saradnju		148
4.3. Nastavljena dugogodišnja saradnja OK BiH i Lutrije BiH koja iz višegodišnje prelazi u višedecenijsku		150
4.4. NUMBER1 - oprema olimpijskih timova Bosne i Hercegovine		152
4.5. Saradnja OK BiH i ASA BOLNICE		154
4.6. Važna saradnja, OK BiH i IDDEEA BiH potpisali memorandum o digitalizaciji sporta		156
4.7. Saradnja Olimpijskog komiteta Bosne i Hercegovine i Dental centar Marković iz Sarajeva		158
4.8. Sporazum za razvoj sporta i edukaciju sportista		160
4.9. Potpisan Memorandum o saradnji između Olimpijskog komiteta Bosne i Hercegovine i Energoinvesta		162
POGLAVLJE 5	OLIMPIJSKA KUĆA Bosne i Hercegovine	164
Nenad Lalović u posjeti Olimpijskom muzeju BiH		166
Rektor SUM-a u posjeti Olimpijskom komitetu BiH		168
Predsjednik zdravstvene komisije OK BiH u radnoj posjeti OK BiH		170
Radni sastanak OK BiH i KJP ZOI '84		171
Predsjednik komisije za Međunarodne odnose u posjeti OK BiH		172
Branislav Stojkić u radnoj posjeti OK BiH		173
POGLAVLJE 6	FINANSIJSKI PREGLED AKTIVNOSTI OK BIH 7. 11. 2024 - 7. 3. 2026.	174
6.1. Tabela projektnih aktivnosti		176
6.2. Eksterna revizija		180
6.3. Domaći grantovi i aplikacije		182
Veliko hvala!		184

Intervju s Predsjednikom

Rođen 1957. godine u Sarajevu, u ulici koja je više od adrese, Bentbaši 23, mjestu gdje se grad rađa iz rijeke, a historija preliva u svakodnevni život, akademik Izet Rađo nosi u sebi spoj duha Sarajeva, discipline sporta i rigoroznosti nauke.

Član Svjetske akademije nauka i umjetnosti (WAAS). Redovni je član Evropske akademije nauka i umjetnosti (EASA), redovni član IANUBIH-a i voditelj njenog sarajevskog ogranka. Kao redovni profesor Univerziteta u Sarajevu, bivši dekan Fakulteta sporta i tjelesnog odgoja i prorektor za nauku Univerziteta u Sarajevu, te počasni profesor Sveučilišta u Zagrebu, njegovo profesionalno djelovanje obilježava kontinuitet znanja, odgovornosti i institucionalne izgradnje.

Sport, posebno judo, ali i sport u cjelini za njega nije bio izbor karijere, već životno opredjeljenje. Nosilac crnog pojasa 6. DAN u judou, Rađo sport razumije kao školu karaktera, etike i samokontrole, gdje se pobjeda ne mjeri samo rezultatom, nego načinom.

Autor je 289 naučnih radova, 40 knjiga i monografija, te mentor na 25 doktorskih disertacija, ostavljajući dubok trag u akademskoj i stručnoj zajednici BiH, regiona i Evrope. Njegov rad povezuje teoriju i praksu, nauku i vrijednosti, sport i društvenu odgovornost.

Između rijeke, znanja i služenja

Razgovor s akademikom Izetom Rađom, predsjednikom Olimpijskog komiteta Bosne i Hercegovine.

U ovom intervjuu, akademik Izet Rađo govori ne samo kao predsjednik Olimpijskog komiteta Bosne i Hercegovine, već kao svjedok vremena, graditelj institucija i mislilac koji sport vidi kao prostor susreta znanja, etike i budućnosti.

Ovo nije razgovor o titulama.

Ovo je razgovor o putu.

Početak, identitet i korijen.

Rođeni ste na Bentbaši, uz rijeku. Koliko je Sarajevo Vašeg djetinjstva oblikovalo Vaš odnos prema ljudima, konfliktu i strpljenju?

Sarajevo mog djetinjstva naučilo me mjeri. Život uz rijeku uči da se stvari ne rješavaju naglo, voda ne pobjeđuje silom, nego postojanošću. To je oblikovalo moj odnos prema konfliktu: strpljenje nije pasivnost, nego sposobnost da sačuvate dostojanstvo i svoje i tuđe.

Da danas morate jednom rečenicom objasniti ko ste, biste li rekli da ste profesor, sportista ili čovjek služenja?

Rekao bih da sam čovjek služenja; profesor i sportista su samo putevi kroz koje se to služenje ostvaruje.

Judo kao filozofija života

Šta Vas je judo naučio o moći i granicama moći?

Judo me naučio da je moć neutralna kategorija. Njena vrijednost zavisi od namjere i samokontrole. Prava granica moći nije u protivniku, nego u nama samima, onog trenutka kada moć ne znamo zaustaviti, ona prestaje biti snaga.



Crni pojas 6. DAN nosi simboliku zrelosti. Kada ste shvatili da prava snaga nije u bacanju, nego u kontroli?

To se ne shvati u jednom trenutku; to sazrijeva. Tek kada prestanete osjećati potrebu da dokazujete snagu drugima, počnete razumijevati njenu svrhu, da čuva ravnotežu.

Može li se današnje društvo, posebno u BiH, učiti iz judo filozofije?

Može i mora. Judo uči poštovanju pravila, protivnika i granica. BiH ne nedostaje snage, nedostaje samokontrole.

Akademija, znanje i odgovornost

Ima li znanje danas manju težinu nego nekada, ili je samo manje slušano?

Znanje nije izgubilo težinu, izgubilo je prostor tišine u kojem se može čuti. Živimo u vremenu buke i kratke pažnje. Problem nije u znanju, nego u nestrpljenju društva da ga razumije.

Kao mentor mnogim doktorantima, šta danas najčešće nedostaje mladim istraživačima: znanje, hrabrost ili sistem?

Znanja ima, hrabrosti također. Najčešće nedostaje uređen i pravedan sistem u kojem se rad vrednuje, a ne relativizira.

Ima li univerzitet još snagu da bude korektiv društva?

Ima, ali samo ako zadrži autonomiju i moralnu hrabrost. Univerzitet prestaje biti korektiv onog trenutka kada se počne dodvoravati moći umjesto da je propituje.

Sport i društvo

Kako opisati stanje u sportu u Bosni i Hercegovini?

Stanje u sportu u Bosni i Hercegovini može se opisati kao sistem bez sistema. Postoje talenti, postoje rezultati i postoje pojedinci koji nose sport, ali ne postoji stabilan,

INTERVJU S PREDSJEDNIKOM

predvidiv i pravedan okvir koji bi te rezultate učinio pravilom, a ne izuzetkom. Sport u BiH danas više zavisi od entuzijazma i lične žrtve nego od institucionalne podrške.

Najveći problem nije nedostatak potencijala, već nedostatak strategije. Nemamo državnu sportsku politiku, nemamo dugoročno planiranje i nemamo jasno definisanu odgovornost institucija. U takvom ambijentu sportisti često postaju heroji improvizacije, a ne produkt uređenog sistema. To je neodrživo i prema sportistima i prema društvu.

Ako sport nije samo rezultat, šta je njegova najdublja društvena funkcija?

Sport je ogledalo društva. Pokazuje kako se odnosimo prema pravilima, porazu i drugom čovjeku. Njegova najdublja funkcija je učenje zajedništva bez uniformnosti.

Koja je preporuka za budućnost?

Prva i najvažnija preporuka jeste: sport mora postati državni interes, a ne protokolarna tema. Bez državne strategije sporta, sa jasnim ciljevima, finansijskim modelima i odgovornošću institucija, nema dugoročnog napretka.

Drugo, potrebno je preći sa logike kratkoročnih rezultata na razvoj ljudi i sistema. To znači ulaganje u trenere, sportske radnike, mlade lidere, obrazovanje i organizacijsku kulturu. Medalje dolaze kao posljedica, ne kao polazna tačka.

Treće, znanje mora postati temelj sporta. Povezivanje sporta sa akademskom zajednicom, naukom, etikom i savremenim tehnologijama nije luksuz, nego nužnost. Sport bez znanja postaje improvizacija; znanje bez primjene ostaje zatvoreno u institucijama.

I konačno, povjerenje. Bez povjerenja između sportista, institucija i društva nema sistema. Povjerenje se ne gradi deklaracijama, nego dosljednošću, transparentnošću i poštovanjem ljudi.

”

Judo uči poštovanju pravila, protivnika i granica. BiH ne nedostaje snage, nedostaje samokontrole.

Sport u Bosni i Hercegovini ne treba spasitelj, nego sistem, a sistem ne počinje pravilnicima, nego vrijednostima.

Gdje je granica između patriotizma u sportu i njegove zloupotrebe?

Granica je u poštovanju sportiste kao čovjeka. Patriotizam slavi trud i dostojanstvo; zloupotreba koristi sportistu kao sredstvo dnevne politike.

Olimpijski komitet i država

S kojim se izazovom kao predsjednik OK BiH najteže nosite, finansijskim, političkim ili ljudskim?

Ljudskim. Novac se može pronaći, politika se može pregovarati, ali povjerenje ljudi se gradi dugo i gubi brzo.

Može li sport biti prostor u kojem Bosna i Hercegovina funkcioniše bolje nego politika?

U mnogim segmentima već jeste. Sport ima jasna pravila, mjerljive ciljeve i neposrednu odgovornost – principe koje bi politika tek trebala usvojiti.

Kako vidite OK BiH u tom nesistemu sporta?

Olimpijski komitet BiH vidim kao stabilizacijski stub u nestabilnom okruženju. OK BiH ne može zamijeniti državni sistem, ali može i mora, štititi olimpijske vrijednosti, integritet sporta i dostojanstvo sportista. U okolnostima gdje sistem često izostaje, uloga OK BiH postaje dvostruka: operativna i etička.

OK BiH djeluje kao posljednja linija institucionalne odgovornosti, mjesto gdje sportista još može očekivati pravila, proceduru i minimalnu sigurnost. To je težak položaj, jer se od Olimpijskog komiteta često očekuje da rješava probleme koji nisu u njegovoj nadležnosti. Ipak, njegova snaga mora ostati u principima, a ne u improvizaciji.

Šta Olimpizam danas znači u svijetu ratova i kriza identiteta?

Olimpizam nije bijeg od stvarnosti, nego podsjetnik da su mir, poštovanje i fer-play svjesni izbori, čak i – ili posebno u vremenima podjela.

Liderstvo, država i lična refleksija

Šta za Vas znači biti "čovjek sistema"?

Znači služiti instituciji koja traje duže od pojedinca. Poštovati pravila i kada nisu u vašu korist.

Da li je BiH društvo umora ili potisnutog potencijala?

Društvo potisnutog potencijala s vidljivim znakovima umora. Umor dolazi kada se energija stalno troši na preživljavanje, a ne na razvoj.

Ako je život borba, a judo put, gdje ste danas na tom putu?

Na mjestu gdje borba više nije s drugima, nego sa sobom. Tamo gdje se snaga mjeri smirenošću, a pobjeda vjernošću principima.

Koja je Vaša zaključna misao?

U sportu, kao i u društvu, pravila nisu prepreka slobodi, ona su njen preduslov.

Bez etike nema pobjede, a bez odgovornosti nema države.

Rođen 1957. godine u Sarajevu, u ulici koja je više od adrese, Bentbaši 23, mjestu gdje se grad rađa iz rijeke, a historija prelijeva u svakodnevni život, **akademik Izet Rađo** nosi u sebi spoj duha Sarajeva, discipline sporta i rigoroznosti nauke.

Olimpijski komitet BiH vidim kao stabilizacijski stub u nestabilnom okruženju.

Akademik prof. dr. Izet Rađo
Predsjednik Olimpijskog komiteta
Bosne i Hercegovine



ONAMA



”

Rumi

Ne mogu se
sporazumjeti oni koji
govore istim jezikom.
Sporazumjeti se mogu
samo oni koji dijele ista
osjećanja.



O nama

Olimpijski komitet Bosne i Hercegovine (dalje u tekstu: OK BiH) osnovan je 4. juna 1992. godine. Nakon osnivanja i prvog nastupa sportista naše države na Olimpijskim igrama u Barceloni 1992. godine, uslijedilo je i zvanično priznanje od strane Međunarodnog olimpijskog komiteta (dalje u tekstu: MOK), koji je svoju Odluku donio na zasjedanju svog Izvršnog komiteta u Monaku 24. 09. 1993. godine.

Nakon osnivanja i međunarodnog priznanja, Olimpijski komitet Bosne i Hercegovine je 08. 12. 2002. godine upisan u registar Ministarstva pravde kao prva sportska organizacija u koju se udružuju sportski savezi. Upisom u ovaj registar, kao i potpisom Lozanske deklaracije od 28. jula 1999. godine, Olimpijski komitet Bosne i Hercegovine je konstituisan u krovno sportsko tijelo države Bosne i Hercegovine.

OK BiH kao član MOK-a je obavezan u svom radu poštovati pravila Olimpijske povelje, Statuta MOK-a, Etičkog kodeksa MOK-a, Svjetskog anti-doping kodeksa, zajedničke Izjave iz Lozane, Zakona o udruženjima i fondacijama BiH, te Zakona o sportu Bosne i Hercegovine.

Stručna služba OK BiH ima 8 stalno uposlenih radnika podijeljenih po odjelima: odjel za sport, odjel za međunarodne odnose, odjel za administraciju, odjel za finansije, i odjel za marketing.



Web stranica

www.okbih.ba

Telefon

+387 33 580 350

Facebook

Olimpijski komitet
Bosne i Hercegovine

Adresa

Alipašina bb Zetra
71000 Sarajevo
Bosna i Hercegovina

Email

okbih@okbih.ba

Instagram

[olimpijski_komiteta_bih](https://www.instagram.com/olimpijski_komiteta_bih)



Olimpijski komitet Bosne i Hercegovine je konstituisan u krovno sportsko tijelo države Bosne i Hercegovine.



1.1.

PROGRAM AKTIVNOSTI

Olimpijskog komiteta
Bosne i Hercegovine

Shodno programskim aktivnostima OK BiH, određenim Statutom OK BiH, čelnici Olimpijskog komiteta BiH predstavljaju Olimpijski pokret i sport Bosne i Hercegovine u Međunarodnom olimpijskom komitetu i odgovarajućim međunarodnim sportskim asocijacijama.

1

ŠIRENJE I AFIRMIRANJE PRINCIPA OLIMPIJSKOG POKRETA I ETIČKIH NORMI U SPORTU.

2

BRIGA I ZAŠTITA SIMBOLA I OBILJEŽJA MEĐUNARODNOG OLIMPIJSKOG KOMITETA U BOSNI I HERCEGOVINI.

3

PREDSTAVLJANJE SPORTA BOSNE I HERCEGOVINE U MEĐUNARODNOM OLIMPIJSKOM KOMITETU I ODGOVARAJUĆIM MEĐUNARODNIM SPORTSKIM ASOCIJACIJAMA.

4

ORGANIZACIJA I RUKOVOĐENJE AKTIVNOSTI NASTUPA SPORTISTA BOSNE I HERCEGOVINE NA OLIMPIJSKIM IGRAMA I DRUGIM ZVANIČNIM MEĐUNARODNIM TAKMIČENJIMA.

5

PODSTICANJE, PRAĆENJE I UNAPREĐENJE SPORTA U BIH.

6

PODSTICANJE, PRAĆENJE I UNAPREĐENJE SPORTA U BOSNI I HERCEGOVINI.

7

PREDLAGANJE PROGRAMA OD JAVNOG INTERESA U SPORTU.

8

UČEŠĆE U IZRADI STRATEGIJE.

9

UČESTVOVANJE U OSTVARIVANJU POLITIKE RAZVOJA SPORTA U BOSNI I HERCEGOVINI.

1.2.

CILJEVI I DJELATNOST

Olimpijskog komiteta
Bosne i Hercegovine



1 ŠIRENJE I AFIRMIRANJE PRINCIPA OLIMPIJSKOG POKRETA I ETIČKIH NORMI U SPORTU.

2 BRIGA I ZAŠTITA SIMBOLA I OBILJEŽJA MEĐUNARODNOG OLIMPIJSKOG KOMITETA U BOSNI I HERCEGOVINI.

3 PREDSTAVLJANJE SPORTA BOSNE I HERCEGOVINE U MEĐUNARODNOM OLIMPIJSKOM KOMITETU I ODGOVARAJUĆIM MEĐUNARODNIM SPORTSKIM ASOCIJACIJAMA.

4 ORGANIZACIJA I RUKOVOĐENJE AKTIVNOSTI NASTUPA SPORTISTA BOSNE I HERCEGOVINE NA OLIMPIJSKIM IGRAMA I DRUGIM ZVANIČNIM MEĐUNARODNIM TAKMIČENJIMA.



Copyright: © Julian Finney/Getty Images

5 UČEŠĆE EKIPA I POJEDINACA NA DRUGIM MEĐUNARODNIM TAKMIČENJIMA POD OKRILJEM MOK-A, ANOK-A, EOK-A I ICMG-A. OK BIH JE ODGOVORAN ZA PONAŠANJE ČLANOVA SVOJE DELEGACIJE.

O NAMA

6 PODSTICANJE, PRAĆENJE I UNAPREĐENJE SPORTA U BOSNI I HERCEGOVINI.

7 UČESTVOVANJE U OSTVARIVANJU POLITIKE RAZVOJA SPORTA U BOSNI I HERCEGOVINI.

9 UČEŠĆE U IZRADI STRATEGIJE.

11 DRUGA PITANJA OD ZNAČAJA ZA RAZVOJ I UNAPREĐENJE OLIMPIJSKIH SPORTOVA U BOSNI I HERCEGOVINI.

12 OSIGURAVA POŠTIVANJE I PROVOĐENJE OLIMPIJSKE POVELJE.



8 PREDLAGANJE PROGRAMA OD JAVNOG INTERESA U SPORTU.

10 USKLAĐIVANJE AKTIVNOSTI SSBiH OLIMPIJSKIH SPORTOVA BOSNE I HERCEGOVINE NA OSTVARIVANJU STRATEGIJE.

13 PODUZIMA MJERE PROTIV SVAKOG OBLIKA DISKRIMINACIJE I NASILJA U SPORTU NA OSNOVU RASNE, ETNIČKE, VJERSKE, POLITIČKE, SPOLNE ILI DRUGE PRIPADNOSTI.

14 NADLEŽNIM DRŽAVNIM ORGANIMA PREDLAŽE PROGRAME OD OPĆEG INTERESA U SPORTU.

Ciljevi i djelatnosti Olimpijskog komiteta BiH

15

SARAĐUJE SA PARAOLIMPIJSKIM KOMITETOM BIH I PRUŽA POMOĆ U OKVIRU SVOJIH NADLEŽNOSTI.



O NAMA

22

RADI NA ODRŽAVANJU DOBRIH I KOOPERATIVNIH ODNOSA SA NADLEŽNIM ORGANIMA SVIH NIVOVA VLASTI U BIH NA NAČIN DA ŠTITI AUTONOMIJU OK BIH I OPIRE SE SVIM OBLICIMA PRITISAKA, UKLJUČUJUĆI I ONE POLITIČKE, VJERSKE ILI EKONOMSKE PRIRODE, KOJI GA MOGU SPRJEČAVATI U POŠTIVANJU OLIMPIJSKE POVELJE.

23

KANDIDUJE ORGANIZATORA OLIMPIJSKIH IGARA, SVJETSKOG ILI EVROPSKOG PRVENSTVA ILI DRUGOG SPORTSKOG TAKMIČENJA U DISCIPLINAMA OLIMPIJSKIH SPORTOVA.

16

ORGANIZIRA SPORTSKA TAKMIČENJA I SPORTSKE PRIREDBE U ZEMLJI U DISCIPLINAMA OLIMPIJSKIH SPORTOVA POD POKROVITELJSTVOM MOK-A, ANOK-A, EOK-A I ICMG-A, UZ PRETHODNO PRIBAVLJENU SAGLASNOST NADLEŽNOG MINISTARSTVA BIH.

17

UČESTVUJE U UTVRĐIVANJU I REALIZACIJI SPORTSKO-PROMOTIVNIH PROGRAMA NA CJELOKUPNOM TERITORIJU BOSNE I HERCEGOVINE.

18

EKSKLUZIVNO PREDSTAVLJA BOSNU I HERCEGOVINU NA OLIMPIJSKIM IGRAMA I NA REGIONALNIM, KONTINENTALNIM I SVJETSKIM MULTIDISCIPLINSKIM SPORTSKIM TAKMIČENJIMA POD PATRONATOM MOK-A, ANOK-A, EOK-A I ICMG-A.

19

PODSTIČE I PREUZIMA ODGOVORNOST ZA OBNOVU I OSNIVANJE DRŽAVNE OLIMPIJSKE AKADEMIJE, OLIMPIJSKOG MUZEJA I KULTURNIH PROGRAMA VEZANIH ZA OLIMPIJSKI POKRET.

24

BORI SE PROTIV UPOTREBE SUPSTANCI I PROCEDURA KOJE MEĐUNARODNI OLIMPIJSKI KOMITET I MEĐUNARODNE FEDERACIJE ZABRANJUJU. USVOJITI I PROVESTI SVJETSKI ANTIDOPING KODEKS, TE PRITOM OSIGURAVATI DA ANTIDOPING POLITIKE I PRAVILA OK BIH TE ČLANSKE I/ILI FINANSIJSKE OBAVEZE I PROCEDURE POSTUPANJA SA REZULTATIMA BUDU USAGLAŠENE SA SVJETSKIM ANTIDOPING KODEKSOM I DA POŠTUJU SVE ULOGE I ODGOVORNOSTI NACIONALNIH OLIMPIJSKIH KOMITETA KOJE SU NAVEDENE U SVJETSKOM ANTIDOPING KODEKSU.

20

DOPRINOSI ŠIRENJU IDEJE OLIMPIZMA I SVJETSKOG ANTIDOPING KODEKSA U NASTAVNIM PROGRAMIMA FIZIČKOG VASPITANJA I SPORTA U ŠKOLAMA I UNIVERZITETSKIM USTANOVAMA.

21

DOPRINOSI UNAPREĐENJU STRUČNOG RADA TRENERA I SUDIJA I PRUŽA POMOĆ U OBUCI SPORTSKO-ADMINISTRATIVNIH KADROVA.

25

OBAVLJA I DRUGE ZADAĆE KOJE SU UTVRĐENE ZAKONOM, STATUTOM OK BIH I DRUGIM PROPISIMA, KAKO JE NAVEDENIM U ČLANU 89. STATUTA OK BIH.



1.3.

OLIMPIJSKI KOMITET BOSNE I HERCEGOVINE 2024 - 2028

1.3.1. Predsjedništvo Olimpijskog komiteta Bosne i Hercegovine



Akademik prof. dr. Izet Rađo
Predsjednik Olimpijskog komiteta
Bosne i Hercegovine



Davor Komšić
Potpredsjednik Olimpijskog komiteta
Bosne i Hercegovine



Vico Zeljković
Potpredsjednik Olimpijskog komiteta
Bosne i Hercegovine

1.3.2. Izvršni komitet Olimpijskog komiteta Bosne i Hercegovine



Hamza Alić
Član



Tanja Karišik Košarac
Član



mr. sci. dr. Nihad Selimović
Član



mr. Kornelija Leko
Član



Ivan Brkić
Član



Nikola Stanković
Član



Tomislav Cvitanušić
Član



dr. Slobodan Grahovac
Član



Suad Kaknjo
Član



Franjo Zadro
Član



1.3.3. Članovi Skupštine Olimpijskog komiteta Bosne i Hercegovine

Predstavnici saveza olimpijskih sportova i građana u Generalnoj skupštini (44):

1. Suad Kaknjo

2. Brane Srđić

3. Toni Zorić

4. Edin Krupalija

5. Predrag Bartula

6. Vico Zeljković

7. Tarik Kurbegović

8. Mirsad Tinjić

9. prof.dr Izet Rađo

10. prof. dr. Branislav Crnogorac

11. Nikola Stanković

12. Vladimir Kezunović

13. Nihad Selimović

14. Milutin Popović

15. Edhem Pašukan

16. Edis Šaćirović

17. Emir Dautović

18. Haris Durak

19. Adnan Korić

20. Ognjen Pavlović

21. Jasmin Kazazović

22. Boris Lekić
23. Senad Šabović

24. Mirsad Pajević

25. Sakib Plančić

26. Branislav Njegovan

27. Ivan Brkić

28. Dalibor Miloš

29. Ivan Lakić

30. Nebojša Marković

31. Mesud Pezer

32. Tanja Karišik Košarac

33. prof. dr Milanko Mučibabić

34. Tomislav Cvitanušić

35. Slobodan Grahovac

36. Kornelija Leko

37. Miro Klepić

38. Hamza Alić

39. Enes Peštek

40. Davor Komšić

41. Franjo Zadro

42. Branislav Stojkić

43. Mladen Vuković

44. Darko Savić

1.3.4. Nezavisna tijela Olimpijskog komiteta Bosne i Hercegovine

Predstavnici saveza neolimpijskih sportova u Generalnoj skupštini (11):

1. Mate Grubišić

2. Miroljub Kremenović

3. Bakir Mulahalilović

4. Zdravko Petrović

5. Kada Delić-Selimović

6. Šahovska unija BiH

7. Alen Halak

8. Davor Kožul

9. Nikolina Čolak

10. Salko Zildžić

11. Edhem Taći

- Nadzorni odbor OK BiH**

1. Tarik Kurbegović, *predsjednik*

2. Toni Zorić, *član*

3. Milutin Popović, *član*
- Sud časti i sportske arbitraže OK BiH**

1. Ivan Lakić, *predsjednik*

2. Mirsad Pajević, *potpredsjednik*

3. Mladen Vuković, *član*

4. Brane Srđić, *član*

5. Branislav Stojkić, *član*
- Komisija za anti-doping kontrolu OK BiH**

1. Vladimir Kezunović, *predsjednik*

2. Senad Šabović, *član*

3. Emir Dautović, *član*

Komisija olimpijaca



Amel Tuka
Predsjednik



Lana Pudar
Potpredsjednica



Elvedina Muzaferija
Sekretar



Aleksandra Samardžić
Član



Strahinja Erić
Član



Mirza Nikolajev
Član



Larisa Cerić
Potpredsjednica



Tanja Karišik Košarac
Sekretar



Mesud Pezer
Član



Sanja Kusmuk
Član



Esma Alić
Član



Jovan Lekić
Član




Nedžad Husić
Član



Emir Lokmić
Član



Mladen Plakalović
Član



Tatjana Đekanović
Član



Emir Muratović
Član



1.3.5. Komisije Izvršnog komiteta
Olimpijskog komiteta
Bosne i Hercegovine



Komisija za vrhunski sport

(koordinator dr sci. Said Fazlagić,
sekretar Suada Ramić)

1. Miodrag Čeko, predsjednik
2. Enes Peštek, potpredsjednik
3. Haris Durak, član
4. Mirsad Tinjić, član
5. Zaćir Karup, član
6. Marinko Umičević, član
7. Ognjen Pavlović, član
8. Ranko Primorac, član
9. Vedran Ćubela, član
10. Dario Plavčić, član
11. Dalibor Miloš, član

Zdravstvena komisija

(sekretar Lana Grgić)

1. mr. sci. dr. Semin Bećirbegović, predsjednik
2. dr. Šobot Nikola, potpredsjednik
3. dr. Nehru Mačkić, član
4. dr. Anes Talović, član
5. mr. sci. Edin Krupalija, član
6. dr. Filip Barbić, član
7. dr. Ružica Biloš, član
8. dr. Maki Grle, član
9. dr. Miloš Mudrenović, član
10. dr. Davorka Katana, član
11. Tamara Kovačević Preradović, član

Komisija za projekte

(sekretar Ema Habul)

1. Marko Miličić, predsjednik
2. Almir Badnjević, potpredsjednik
3. Goran Rokvić, član
4. Andrea Konjević, član
5. Damir Nikulin, član
6. Trifko Bulut, član
7. Miro Klepić, član
8. Zoran Tabak, član

Komisija za međunarodne odnose

(sekretar Lana Grgić)

1. Đorđe Jugović, predsjednik
2. Fuad Čibukčić, potpredsjednik
3. Draško Ačimović, član
4. Sead Balić, član
5. Adnan Korić, član
6. Marko Mihajlović, član
7. Nebojša Marković, član
8. Bojan Petrović, član
9. Daliborka Bošnjak, član

Komisija za fair-play

(sekretar Jasmin Hodžić)

1. Mirza Jamaković, predsjednik
2. Branko Ivičević, potpredsjednik
3. Jasmin Kazazović, član
4. Boris Lekić, član
5. Sakib Plančić, član
6. Brane Srdić, član
7. Igor Ostojić, član
8. Dejan Lukendić, član
9. Marijana Cigelj, član

Komisija Žena i sport

(koordinator mr. Kornelija Leko,
sekretar Ema Habul)

1. Lejla Njemčević, predsjednica
2. Sara Dojčinović, potpredsjednica
3. Martina Rezić, član
4. Emina Smajić, član
5. Emina Hadžiahmetović, član
6. Nikolina Čolak, član
7. Jelena Skolnik, član
8. Milana Kecman, član

Komisija za marketing

(koordinator Davor Komšić
sekretar Samra Jurišić)

1. Irena Vukoja, predsjednica
2. Nazif Hasanbegović, potpredsjednik
3. Jasmin Đonko, član
4. Aleksandar Gačanović, član
5. Boris Spasojević, član
6. Ivona Jurilj, član
7. Adnan Šarić, član

Komisija za edukaciju

(koordinator akademik Izet Rađo i
sekretar dr. sci. Dejana Planinčić)

1. mr. sci. Rodoljub Petković, predsjednik
2. Marin Ćorluka, potpredsjednik
3. Mirza Oruč, član
4. dr. Damir Čelik, član
5. dr. Taib Delić, član
6. Ivana Čerkez, član
7. Dejan Travar, član
8. Vaso Mijanović, član
9. Edis Šaćirović, član

1.3.6. Administracija Olimpijskog komiteta Bosne i Hercegovine



doc. dr. Said Fazlagić
Generalni sekretar



dr. sci. Dejana Planinčić
Viši stručni saradnik za sport,
međunarodne odnose i
projekte



Lana Grgić
Viši stručni saradnik za
međunarodne odnose i
projekte



Ema Habul
Viši stručni saradnik za
projekte i marketing



Jasmin Hodžić
Viši stručni saradnik
za finansije i marketing



Samra Jurušić
Viši referent za administrativno-
tehničke poslove i evidenciju



Suada Ramić
Referent za administrativno-
tehničke poslove



Mersiha Sarač
Kurir-spremačica



1.3.7. Sportski savezi BiH - članice OK BiH

Olimpijski sportovi

- 1. Atletski savez BiH
- 2. Badminton savez BiH
- 3. Biatlon savez BiH
- 4. Biciklistički savez BiH
- 5. Bob savez BiH
- 6. Bokserski savez BiH
- 7. Gimnastički savez BiH
- 8. Golf savez BiH
- 9. Hokejaški savez BiH
- 10. Judo savez BiH
- 11. Kajakaški savez BiH
- 12. Karling savez BiH
- 13. Košarkaški savez BiH
- 14. Nogometni/Fudbalski savez BiH
- 15. Odbojkaški savez BiH
- 16. Plivački savez BiH
- 17. Ragbi savez BiH
- 18. Rukometni savez BiH
- 19. Sankaški savez BiH
- 20. Savez dizača tegova BiH
- 21. Savez klizačkih sportova BiH
- 22. Savez konjičkih organizacija

- 23. Skeleton savez BiH
- 24. Skijaški savez BiH
- 25. Stonoteniski savez BiH
- 26. Streljački savez BiH
- 27. Taekwondo savez BiH
- 28. Teniski savez BiH
- 29. Triatlon i pentatlon savez BiH
- 30. Vaterpolo savez BiH
- 31. Veslački savez BiH


Neolimpijski sportovi

- 1. Boćarski savez BiH
- 2. Cheerleading savez BiH
- 3. Esport savez BiH
- 4. Karate savez BiH
- 5. Kik boks savez BiH
- 6. Motociklistički savez BiH
- 7. Ronilački savez BiH
- 8. Šahovska unija BiH
- 9. Savez Specijalne olimpijade u BiH
- 10. Savez tajlandskog boksa BiH
- 11. Sportsko - ribolovni savez BiH
- 12. Vazduhoplovni savez BiH



AKTIVNOSTI

Olimpijskog komiteta BiH
7. 11. 2024 - 7. 3. 2026.



”

Scott Belsky

Nije stvar u idejama, već u
njihovom ostvarenju.



2.1.

GENERALNA SKUPŠTINA

Olimpijskog komiteta Bosne i Hercegovine

U Olimpijskom komitetu Bosne i Hercegovine 7. 11. 2024. godine održana je Izborna skupština OK BiH, na kojoj su izabrani organi i tijela OK BiH za novi četvorogodišnji ciklus (2024 - 2028).

U Predsjedništvo OK BiH su izabrani: prof. dr Izet Rađo, Vico Zeljković i Davor Komšić koji su dobili podršku za vođenje krovne sportske institucije u narednom četvorogodišnjem mandatu. U Izvršni komitet OK BiH su izabrani članovi Skupštine OK BiH i to: Tanja Karišik-Košarac, Hamza Alić, Tomislav Cvitanušić, Kornelija Leko, Franjo Zadro, Nikola Stanković, Suad Kaknjo, Slobodan Grahovac, Nihad Selimović, Ivan Brkić.

Također, izabrani su članovi Nadzornog odbora OK BiH, Suda časti i sportske arbitraže OK BiH i Komisija za antidoping kontrolu OK BiH.

Druga Generalna Skupština OK BiH, na kojoj su jednoglasno usvojeni svi izvještaji uz mnoštvo komplimenata za rad OK BiH prisutnih delegata iz 43 sportska saveza BiH, održana je 22. aprila 2025. Delegati Generalne skupštine su jednoglasno usvojili sve prezentirane izvještaje.

Olimpijski komitet BiH je na sjednici postao bogatiji za dvije članice, Biatlon savez Bosne i Hercegovine i E-sport savez Bosne i Hercegovine.





2.1.1. Aktivnosti po pitanju finansiranja vrhunskog sporta u Bosni i Hercegovini

Saradnja OK BiH s predstavnicima vlasti

Nastavljajući ranije započete aktivnosti, predstavnici OK BiH su u izvještajnom periodu održali niz sastanaka sa predstavnicima različitih nivoa vlasti nadležnih za sport u Bosni i Hercegovini.

Sastanci su upriličeni sa članom Predsjedništva BiH N.J.E. Denisom Bećirovićem, predsjedavajućom Vijeća ministara Borjanom Krišto, ministricom MCP BiH Dubravkom Bošnjak, premijerom Vlade Federacije BiH Nerminom Nikšićem, ministricom Federalnog ministarstva kulture i sporta, Sanjom Vlasisavljević,

premijerom Kantona Sarajevo Nihadom Ukom, ministrom Kantona Sarajevo Kenanom Magodom, gradonačelnikom Grada Sarajeva Samirom Avdićem, itd. Inicijative i razgovori će se nastaviti i u narednom periodu.

Navedene aktivnosti su doprinijele da se bar simbolično uveća budžet i izdvajanja za sport na svim nivoima vlasti.

Predstavnici OK BiH su odlučno prezentirali navedenu temu i tokom učešća u TV emisijama. Gostovanja su upriličena na FACE TV, BH Radio, TV SA, FBiH, BHRT, itd.

Ponovljena je online kampanja koju je OK BiH zajedno sa olimpijcima i vrhunskim sportistima realizovao sa 12 najboljih bh. sportista koji su kroz video poruke poslali jasne poruke javnosti i donosiocima odluka o realnim potrebama bh. sportista – najboljih ambasadora Bosne i Hercegovine u cilju nesmetanog bavljenja sportom i ostvarenjem vrhunskih sportskih rezultata.



“VIZIJA I PUT KA OLIMPIJSKIM IGRAMA LA 2028”

Nakon 2. sjednice Generalne skupštine, u prostorijama Olimpijskog komiteta BiH održana je panel diskusija pod nazivom “Vizija i put ka Olimpijskim igrama LA 2028” koja je tretirala poziciju i goruće probleme vrhunskog sporta BiH. Na panelu su učestvovali predstavnici sportskih saveza BiH, olimpijci, treneri, sportski stručnjaci, kao i predstavnici relevantnih ministarstava i sponzora.

Panel diskusiju otvorio je uvodnim izlaganjem predsjednik Olimpijskog komiteta BiH, prof. dr. Izet Rađo. U svom izlaganju osvrnuo se na zaključke i efekte prethodnog Okruglog stola, koji su jednoglasno doneseni od strane svih sportskih saveza BiH.

Ti zaključci odnosili su se na male budžete za sport, kriterije dodjele sredstava, programe za mlade i talentovane vrhunske sportiste i olimpijce, sistem nagrađivanja za ostvareni rezultat, sistem doživotnih naknada za vrhunske rezultate (penzije), kao i na enormna prihodovanja od klađenja na sportske rezultate, koja se u sistem sporta ne vraćaju gotovo nikako ili se vraćaju u obliku “garniture dresova”. Uvodnu prezentaciju Panela koja govori o trenutnom stanju i eventualnim rješenjima sistemskog finansiranja sporta BiH je prezentirao potpredsjednik Olimpijskog komiteta BiH Davor Komšić.

Panel diskusiju je vodio dr. sci. Said Fazlagić, Generalni sekretar Olimpijskog komiteta BiH koji je na osnovu postavljenih pitanja pokušao doći do odgovora i rješenja za situaciju u kojoj se nalazi vrhunski sport u BiH.

Sportisti su bili jasni u svojim zahtjevima iznoseći pojedinačne stavove i izazove sa kojima se susreću u svom razvojnog i sportskom putu ka osvajanju evropskih, svjetskih i olimpijskih medalja.

LA 2028



Sportisti su bili jasni u svojim zahtjevima iznoseći pojedinačne stavove i izazove sa kojima se susreću u svom razvojnog i sportskom putu...

2.2.

PREDSJEDNIŠTVO

Olimpijskog komiteta Bosne i Hercegovine

U mandatnom periodu od 7. novembra 2024. do 7. marta 2026. godine, pripremljeno je i održano 10 redovnih, 2 vanredne i 1 svečana sjednica Predsjedništva OK BiH.



PREDSJEDNIŠTVO

7. novembra 2024. - 7. marta 2026. godine



2.2.1. Međunarodno predstavljanje

Shodno programskim aktivnostima OK BiH, određenim Statutom OK BiH, čelnici Olimpijskog komiteta BiH predstavljaju Olimpijski pokret i sport Bosne i Hercegovine u Međunarodnom olimpijskom komitetu i odgovarajućim međunarodnim sportskim asocijacijama.

54. Generalna skupština EOK-a održana je u Frankfurtu od 28. februara do 01. marta 2025. godine, a ispred Olimpijskog komiteta Bosne i Hercegovine prisustvovali su predsjednik akad. prof. dr. Izet Rađo, potpredsjednik Davor Komšić i generalni sekretar dr. sci. Said Fazlagić.

Tokom Generalne skupštine EOK-a, predsjednik OK BiH, akademik prof. dr. Izet Rađo i generalni sekretar OK BiH, dr. sci. Said Fazlagić, imali su čast uručiti knjigu "40. godišnjica Olimpijskih igara u Sarajevu" gospodinu Juanu Antoniu Samaranch-u JR., članu Međunarodnog olimpijskog komiteta (MOK) i sinu bivšeg predsjednika MOK-a Samaranch-a. Ovom knjigom ovjekovječeni su uspjesi jedne bosanskohercegovačke generacije vrhunskih sportista, kao i njegovog oca, tadašnjeg predsjednika Međunarodnog olimpijskog komiteta. Tokom sastanka razgovarali su o olimpijskoj budućnosti Sarajeva i Bosne i Hercegovine, kao i o ambicijama za buduće projekte. Upoznali su gospodina Samarancha s planovima za kandidaturu za Olimpijske igre mladih (YOG) 2032. godine, te o obnovi postojećih sportskih borilišta kako bismo stvorili još bolje uvjete za sportaše.



MEĐUNARODNO PREDSTAVLJANJE OLIMPIJSKOG KOMITETA BOSNE I HERCEGOVINE

Generalna skupština EOK-a Frankfurt 2025

Akademik prof. dr. Almir Badnjević, potpredsjednik Komisije za projekte Olimpijskog komiteta BiH, i dr. sci. Dejana Planinčić, viša stručna saradnica za sport, međunarodne odnose i projekte OK BiH, učestvovali su na 45. EOC Seminaru održanom na Malti.

Seminar je okupio predstavnike nacionalnih olimpijskih komiteta Evrope, a glavne teme bile su: dobro upravljanje, razvoj sporta kroz održive prakse, zaštita i podrška sportistima, digitalni marketing i komunikacije, primjena vještačke inteligencije u radu olimpijskih komiteta.

Akademik prof. dr. Badnjević je vodio radionicu o upotrebi vještačke inteligencije u sportu, koja je ocijenjena kao vrlo uspješna i inspirativna.



Sjednica EOK Marketing komisije održana je 29. 08. 2025. godine u Frankfurtu, a kojoj je prisustvovao generalni sekretar OK BiH dr. sci. Said Fazlagić, kao reizabrani član Marketing komisije Evropskih olimpijskih komiteta za tekući mandat.



Generalna skupština EOK-a
Frankfurt 2025

U decembru 2025. godine dr. sci. Dejana Planinčić je učestvovala na trećoj MEMOS Konvenciji namijenjenoj diplomcima svih MEMOS programa i izdanja. Cilj Konvencije je bila razmjena znanja među učesnicima i jačanje njihovih odnosa.



MEMOS Konvencija
Rim 2025



Vanredna sjednica Generalne skupštine Internacionalnog komiteta mediteranskih igara održana je u Portimau 29. 11. 2025. godine. Ispred OK BiH prisustvovao je generalni sekretar dr. sci. Said Fazlagić.

ICMG Vanredna sjednica Generalne skupštine
Portimao 2025



Predsjednik OK BiH akademik Izet Rađo i generalni sekretar prisustvovali su proslavi 10. godišnjice NOK-a Kosovo u decembru 2024. godine.

Proslava 10 godina
NOK Kosovo

Sastanak neformalne grupe NOK-ova Centralne i jugoistočne Evrope održan je 13. i 14. 12. 2024. godine u Budimpešti. Sastanku su prisustvovali predsjednik akad. prof. dr. Izet Rađo i generalni sekretar dr. sci. Said Fazlagić.



Sastanak NOK-ova Centralne i jugoistočne Evrope
Budimpešta 2024

Na poziv Hrvatskog olimpijskog odbora, dr. Izet Rađo, predsjednik OK BiH boravio je na Godišnjoj konferenciji HOO čija je tema bila "Pogled prema Los Angelesu 2028. godine – stručni i organizacijski izazovi".



Godišnja konferencija
Hrvatskog olimpijskog odbora

2.3.

IZVRŠNI KOMITET

Olimpijskog komiteta Bosne i Hercegovine

Izvršni komitet Olimpijskog komiteta Bosne i Hercegovine je u proteklom mandatnom periodu održao 11 sjednica od čega je 9 redovnih i 2 svečane sjednice. Na sjednicama je doneseno 299 odluka.

9
redovnih
sjednica

2
svečana
sjednica

299
ODLUKE



2.4.

RAD KOMISIJA

Olimpijskog komiteta Bosne i Hercegovine



Komisija za vrhunski sport OK BiH održala je sedam sjednica na kojim su obrađene 24 tačke dnevnih redova.

7
sjednica

Zdravstvena komisija je održala jednu - Konstituirajuću sjednicu, te je konsultativno učestvovala u pripremi povodom organizacije Seminara sportske medicine koji je održan u maju 2025. godine.

1
konstituirajuća
sjednica

Komisija za marketing je održala 2 sjednice na kojima je obrađeno 7 tačaka. Također je održan konsultativni sastanak Predsjednice Komisije, koordinatora Komisije koji je ujedno i potpredsjednik OK BiH i Generalnog sekretara OK BiH. Komisija je delegirala smjernice za poboljšanje oglašavanja OK BiH na društvenim mrežama i komunikacionim kanalima.

2
sjednice

Komisija za edukaciju je u 2025. godini održala jednu - Konstituirajuću sjednicu, te se aktivno angažovala u pripremi i realizaciji različitih edukativnih projekata, simpozija i seminara. Predsjednik Komisije, mr. sci Rodoljub Petković je zajedno sa rukovodiocem edukativnih projekata OK BiH, akademikom Izetom Rađom, imao konsultativnu ulogu u realizaciji edukacijskih projekata u cilju što bolje organizacije seminara i simpozija.

1
konstituirajuća
sjednica

Komisija za međunarodne odnose je održala jednu - Konstituirajuću sjednicu.

1
konstituirajuća
sjednica

Komisija za projekte je održala jednu - Konstituirajuću sjednicu Komisije.


1
konstituirajuća
sjednica

Komisija za fair-play je održala jednu Konstituirajuću sjednicu Komisije.

1
konstituirajuća
sjednica

Komisija Žena i sport je održala jednu - Konstituirajuću sjednicu.

1
konstituirajuća
sjednica



Komisija olimpijaca

Komisija olimpijaca je u 2025. godini održala jednu sjednicu povodom organizacije drugog po redu Foruma sportista koji je realizovan u novembru mjesecu.

Međunarodni Forum sportista Lozana

Predsjednik Komisije olimpijaca Amel Tuka, prisustvovao je Međunarodnom forumu sportista koji se održao u Lozani, Švicarska.

Ovaj godišnji događaj okupio je preko 400 predstavnika sportista iz cijelog svijeta, pružajući platformu za razmjenu iskustava i diskusiju o ključnim pitanjima koja se tiču sportista. Učešće Amela Tuke na ovom Forumu osnažilo je poziciju Bosne i Hercegovine u međunarodnoj sportskoj zajednici, te otvorilo nove prilike za unaprjeđenje domaćeg sporta putem međunarodne saradnje i implementacije novih znanja i iskustava.



Forum sportista Evrope i Generalna skupština sportista Evrope London

Predstavnici Komisije olimpijaca, predsjednik Amel Tuka i član Mesud Pezer, učestvovali su na osmom izdanju Foruma sportista Evrope i Generalnoj skupštini sportista Evrope u Londonu. Forum je okupio predstavnike komisija 49 evropskih NOK-ova kako bi razgovarali o izazovima i prilikama s kojima se suočavaju sportisti

cijelog kontinenta, osiguravajući da oni ostanu u središtu svih odluka unutar EOK-a. Događaji ove vrste pored edukativnog karaktera rade i na izgradnji veza i razumijevanja među sportistima i ostalim interesnim stranama, što je fundamentalno važan dio olimpijskog pokreta. Naši proslavljeni olimpijci su iskoristili priliku da se upoznaju sa savremenim kretanjima i potencijalnim rizicima razvoja sporta na globalnom nivou.

2.5.

ČLANSTVO

OK BiH predstavnika u komisijama EOK-a i ICMG-a

Predstavници OK BiH u EOK i ICMG Komisijama u mandatnom periodu su dr. sci. Said Fazlagić - član EOK-ove Komisije za marketing, akademik prof. dr. Almir Badnjević, potpredsjednik Komisije za projekte OK BiH izabran je za člana Komisije za digitalnu tehnologiju i vještačku inteligenciju, dok je dr. sci. Dejana Planinčić član ICMG Komisije Žena i sport. Predstavници OK BiH na ovaj način direktno zastupaju interese i predstavljaju OK BiH u savremenim tehnologijama koje oblikuju budućnost sporta i olimpizma.



Predstavnici OK BiH...
direktno zastupaju
interese i predstavljaju
OK BiH u savremenim
tehnologijama koje
oblikuju budućnost
sporta i olimpizma.

Copyright: © Ezra Shaw/Getty Images



GODIŠNJICA ZOI SARAJEVO 1984

2.6.

OBILJEŽAVANJE GODIŠNJICE

ZOI Sarajevo 1984

Olimpijski komitet BiH je 6. februara 2025. godine u Olimpijskom muzeju u Sarajevu bio domaćin obilježavanja 41. godišnjice Zimskih olimpijskih igara Sarajevo 1984. Ovom prilikom promovisana je knjiga „40. godišnjica Olimpijskih igara u Sarajevu“, koja kroz fotografije prikazuje ključne momente proslave 40. godišnjice i osvrt na olimpijsko nasljeđe.

Događaj je uključivao panel diskusiju na temu „Olimpijska budućnost i obnova olimpijskih borilišta“. Učesnici panela su bili: akademik prof. dr. Izet Rađo (predsjednik Olimpijskog komiteta BiH), Kenan Magoda (ministar sporta i kulture Kantona Sarajevo i bivši generalni direktor ZOI '84), dr. Sanela Klarić (stručnjak za održivu arhitekturu i olimpijska borilišta) i Predrag Puharić (gradonačelnik Grada Sarajeva).

Panel je raspravljao o aktuelnom stanju olimpijskih objekata, potencijalu za buduće olimpijske događaje, uključujući mogućnost organizacije Zimskih olimpijskih igara za mlade 2032. godine, te neophodnoj potrebi za političkom podrškom na svim nivoima vlasti. Posebna pažnja posvećena je obnovi bob staze, skakaonica i ledene dvorane, uključujući i finansijske aspekte i planove za održavanje.

Ovaj događaj naglašava sarajevsku posvećenost olimpijskim idealima i nastojanje da se olimpijsko nasljeđe očuva i unaprijedi za buduće generacije. Grad Sarajevo nastavlja težiti za održivim razvojem i promocijom olimpijskih vrijednosti.

U 2026. godini, 42. godišnjica ZOI Sarajevo 1984 je obilježena prigodnim saopštenjem na dan otvaranja Igara 1984. godine. Isti dan je na ZOI Milano Cortina 2026 nastupila Elvedina Muzaferija ostvarivši istorijsko 20. mjesto u disciplini spust.



2.7.

MEDIJI

i odnosi sa javnošću

2.7.1. Konferencije za medije




U izvještajnom periodu od novembra 2024. godine do marta 2026. godine OK BiH je tradicionalno održavao aktivan i pozitivan odnos s medijima u Bosni i Hercegovini i šire. Rezultat aktivnosti u ovoj oblasti djelovanja je značajna prisutnost OK BiH u medijskom prostoru - vijestima, obavještenjima i informacijama o radu Olimpijskog komiteta BiH u domaćem i međunarodnom javnom mnijenju.

Stručna služba OK BiH poslala je mnogobrojna saopštenja za javnost najvažnijim i najuticajnijim printanim i elektronskim medijima.

Održane su press konferencije u prostorijama OK BiH, posebno prije odlaska bh. tima na takmičenja kao što su Olimpijske igre u Parizu 2024. i Zimske olimpijske igre Milano Cortina 2026. Takođe, organizovan je direktan prenos tradicionalne manifestacije "Izbor sportiste godine 2024" i "Izbor sportiste godine 2025", dodjela nagrada sportistima te press konferencije sportskih saveza BiH u prostorijama OK BiH, i drugo.

Na protokol OK BiH, zaprimljeno preko 2000 dopisa uz mnogobrojnu email komunikaciju. Predsjednik i potpredsjednici OK BiH, Generalni sekretar, Šef misije, treneri bh. tima gostovali su na TV i radio emisijama, a vezano za rad i aktivnosti OK BiH.

2.7.2. Podkast i video promocija Olimpijskog komiteta BiH




U cilju predstavljanja rada i aktivnosti, te promocije tema važnih za bh. sport i sportiste, OK BiH je u proteklom periodu nastavio snimanja podkasta i video materijala koji trajno bilježe značajne trenutke i razvojni put Olimpijskog komiteta Bosne i Hercegovine.

Osim kampanje usmjerene na rješavanje finansiranja vrhunskog sporta u BiH, pojedini video materijali obradili su uske teme i specifične oblasti. Tokom Seminara sportske medicine "Sport i srce" snimljena su predavanja koja su na ovaj način trajno dostupna javnosti.

Kao i prethodnih godina, pripremljene su retrospektive aktivnosti OK BiH za 2024. i 2025. godinu, te su javno predstavljene tokom direktnog TV prenosa manifestacije Izbor sportiste godine 2024 i Izbor sportiste godine 2025.

Video materijali iz mandatnog perioda 2024 -2026 dostupni su na zvaničnoj YouTube stranici OK BiH: Olympic Committee of Bosnia and Herzegovina.

2.7.3. Društvene mreže OK BiH






Na službenoj web-stranici te Facebook, Instagram, YouTube i Viber Community kanalima Olimpijskog komiteta BiH objavljujane su vijesti, aktivnosti i novosti o radu OK BiH i partnerskih organizacija. Analitika društvenih mreža za mandatni period novembar 2024 – mart 2026. godine pokazuje povećanje u parametrima interakcije, posjeta stranici i pregleda.

Iz grafikona je vidljivo da su pregledi na stranici Facebook dosegli 4,7 miliona. Interakcija sadržaja je porasla za 364.8%, a posjete stranici za 91,5%.

Analitika populacije pokazuje da OK BiH ima najviše pratilaca među muškom populacijom između 25 i 44 godina starosti, dok su žene zastupljene u generalnom procentu 40,1%. Na stranici Instagram analitika pratilaca je slična.

Društvene mreže OK BiH su imale najviše posjeta, odnosno najviši doseg tokom učešća OK BiH delegacija na međunarodnim i višesportskim takmičenjima, te tokom promocije osvajanja međunarodnih medalja bh sportista.

Top tri zemlje iz kojih se prate FB i Instagram nalozi su Bosna i Hercegovina, Njemačka i Sjedinjene Američke Države, a gradovi iz kojih je procentualno najviše pratilaca su Sarajevo, Zenica i Tuzla na Facebooku i Sarajevo, Banja Luka i Istočno Sarajevo na Instagramu. Doseg na Instagram profilu je povećan za 18,5%, a ukupne posjete su preko 3.5 miliona.



OK BiH takođe objavljuje vijesti i informacije i na internet stranici i Viber zajednici OK BiH koje su aktivni kanali komunikacije za objavu vijesti, video materijala i informacija OK BiH.

2.7.4. Novinski članci o radu OK BiH

2.7.5. Newsletter

Novinski članci Newsletter

8

izdanja
elektronskog
newslettera

Mediji i odnosi sa javnošću

U mandatnom periodu OK BiH je objavio osam izdanja elektronskog newslettera.

Newsletter Olimpijskog komiteta BiH donosi najnovije vijesti i informacije iz međunarodnog i domaćeg sporta, pri čemu je posebna pažnja posvećena dijelu koji promovise bh. sportiste i sportske saveze kroz njihove istaknute rezultate.



U svečanom ambijentu multimedijalne sale Olimpijskog komiteta BiH sinoć je održana 14. po redu manifestacija 'Izbor sportiste godine' u organizaciji Olimpijskog komiteta Bosne i Hercegovine i uz specijalno pokroviteljstvo Predsjedništva Bosne i Hercegovine. Za sportistu 2025. godine proglašena je najbolja bh. plivačica Lana Pudar.



Milano i Cortina d'Isprema spreman za dva najveća sportska događaja. U petak, 6. kolovoza, na slavlenu tisuću medija iz 100 zemalja 25. Zimske olimpijske igre.

Milano - Cortina

BH tim Zimske olimpijske igre 2026



Evropska akademija nauka i umjetnosti



Poštovani sportisti i sportski radnici,
Poštovani prijatelji,

Sport je više od takmičenja. On je putovanje kroz napor, vjeru i istrajnost, a svaka medalja samo je svjedočanstvo o nevidljivim trenucima discipline, snage i snova. Upravo tim duhom ispisane su stranice našeg sportskog ljeta, jula i augusta 2025. godine.

Bosna i Hercegovina je na XVIII ljetnom Evropskom omladinskom olimpijskom festivalu u Skoplju doživjela trenutak koji će ostati urezan u našu zajedničku sportsku memoriju. Jedna zlatna, dvije srebrene i jedna bronzana medalja nisu samo brojeke u statistici – to su simboli odricanja, nade i uvjerenja da naša mladost može doseći vrh Evrope.

PRVA ZLATNA MEDALJA NA EYOF- U:
USPJEH MAHMIĆA I TRENERA ALIĆA OTKRIVA BRUTALNU ISTINU,
IMAMO ŠAMPIONE, ALI NEMAMO SPORTSKI SISTEM

Uspjeh Mahmića i trenera Hamze Alića otkriva brutalnu istinu: imamo šampione, ali nemamo sportski sistem. Do kada?

AMBASADOR BIH U SJEVERNOJ MAKEDONIJI, N.J.E. DRAGAN JACIMOVIĆ
POSJETIO BIH TIM EYOF SKOPLJE 2025

ISTORIJSKI REZULTAT BOSNE I HERCEGOVINE NA EVROPSKOM OMLADINSKOM OLIMPIJSKOM FESTIVALU SKOPLJE 2025!

Na 18. ljetnom ljetnom EYOF-u 2025 u Skoplju, tim Bosne i Hercegovine je osvojio osam medalja: 1 zlatnu, 2 srebrene i 5 bronzanih. U periodu prethodnih 30 godina od prvog učesništva na ovom takmičenju sa mlađe sportske Evrope, koje se 1996. godine održala u Velikoj Britaniji, bosanskohercegovački tim je uvek godinu osvojio najbiji rezultat osvojivši po prvi put četiri medalje - jednu zlatnu, dvije srebrene i jednu bronzanu medalju.

Tim je zvanično predstavljao u prostorijama OK BiH, 16. jula, a korpulentan sastav bh. delegacije sretno pozdravljen na ljetnom EYOF-u. Takođe, video predstavljajući bh. tim, možete pogledati na OVOJ LINKU.

MEDALJE ZA BOSNU I HERCEGOVINU SU OSVOJILI:



CEREMONIJE OTVARANJA I ZATVARANJA

Ceremonije otvaranja i zatvaranja EYOF-a Skoplje 2025 održane su u sportskom centru Jovo Savanović. Na ceremoniji otvaranja (EYOF) prisustvovali su Bosna i Hercegovina su poslali Zlatko Puhina (trener) i Nino Šeremet (bankovnik), dok su na ceremoniji zatvaranja zastavu nosili sportisti koji su osvojili najbolje rezultate u muškoj i ženskoj konkurenciji - Zlatko Vukobrat (plivanje) i Enisa Mahmić (tenis).



PRVENSTVO BALKANA: MEDALJA ZA AMELA TUKU, DOBRI NASTUP BIH. ATLETICARA

Reprezentacija Bosne i Hercegovine završila je nastup na Prvenstvu Balkana, na kojem su osvojile ukupno 33 medalje, gdje su bh. atletičari osvojili zapažene rezultate i donijeli vrijedne bodove državnom timu.

Najuspješniji predstavnik bh. je Amel Tuka, koji je u trci na 800 metara osvojio rezultat 1:47,09 i zauzeo 3. mjesto, čime je Bosni i Hercegovini donio medalju na ovom takmičenju.

Pored njega, odličan nastup imao je i Haris Pijević, koji je u disciplini bacanje kugle zabilježio hitac od 19,69 metara i zauzeo 4. mjesto.

LEJLA NEMČEVIĆ OSVOJILA DRUGO MJESTO NA UTRCI U ŠVEDSKOJ

Lejla Nemčević osvojila je drugo mjesto na utrci u Švedskoj.

Najbolja bh. biciklističarka, Lejla Nemčević, na utrci 'Cykelvägen - Vasauppgift' u Švedskoj zauzela je 2. mjesto i ponosno predstavljala Bosnu i Hercegovinu.

'Cykelvägen' je jedna od najtežih utrka, tako mi hemčević stalo ne odgovara, zadovoljna sam drugim mjestom. Ovo je priprema za Svjetsko prvenstvo u Švedskoj 6. septembra.

Lejla Nemčević, timu i BiH i BiH i BiH savez.

BOSANSKOHERCEGOVAČKI SPRINTER BAKIR MUŠIĆ OSVOJIO PETO MJESTO NA EVROPSKOM PRVENSTVU

Dvadesetogodišnji Bakir Musić izuzetno je predstavio Bosnu i Hercegovinu na Evropskom atletičarskom prvenstvu, koje je 20. godina u Rijeci. Tampereu, osvojivši peto mjesto u finalu trke na 200 metara.

U trci je zabilježio vrijeme od 21,32 sekunde.

U prethodnoj je u 2112 sekundi zauzeo treće mjesto u finalu trke, osvojivši direktno plasman u finale. Na 100 metara, Bakir je dokazao da su talenat i trud itakako važni, a ovo je samo početak njegovog atletičarskog putovanja na međunarodnoj sportskoj sceni. Čestitke Bakiru, treneru, klubu i Atletičarskom savezu BiH na ojačanoj budućnosti.

2.7.6. Gostovanja

Kao što je bila praksa i prethodnih godina, predstavnici OK BiH su i u ovom izvještajnom periodu učestvovali u emisijama i javnim nastupima vezanim za tematiku bosanskohercegovačkog sporta, sportista, sportskog sistema i ostalih srodnih tema od značaja za navedene oblasti. U gostovanjima je posebno naglašavana važnost sistemskog rješavanja finansiranja vrhunskog sporta u Bosni i Hercegovini.




2.8.
PUBLIKACIJE

Olimpijskog komiteta Bosne i Hercegovine

2.8.1. “40. godišnjica Olimpijskih igara u Sarajevu 2024”

OK BiH je povodom obilježavanja 40 godina ZOI Sarajevo 1984 publikovao monografiju “40. godišnjica olimpijskih igara u Sarajevu 2024” koja predstavlja trajno svjedočanstvo da Olimpijski duh i posle 40 godina živi i osvjetljava budućnost Olimpijskog pokreta u Bosni i Hercegovini.



2.8.2. Mandatna knjiga - Izvještaj o radu Olimpijskog komiteta BiH za period 7. juli 2023 - 7. novembar 2024. godine
(16 mjeseci predsjednik akademik prof. dr. Izet Rađo)

Posvećen rad OK BiH kroz programske aktivnosti rada i mnogobrojne projekte Olimpijske solidarnosti MOK-a, Evropskih olimpijskih komiteta, EU projekata Evropske komisije, te niza drugih aktivnosti prikazani su u Mandatnom izvještaju za period 7. juli 2023 - 7. novembar 2024. godine. Pored štampanog izdanja, Mandatni izvještaj OK BiH dostupan je i na zvaničnoj internet stranici Olimpijskog komiteta Bosne i Hercegovine.




PROJEKTNE AKTIVNOSTI

7. 11. 2024 - 7. 3. 2026.



Copyright: © Mattia Ozbot/Getty Images



”

Walt Disney

Način da se nešto
započne je da se prestane
pričati i počne
djelovati.

Copyright: ©Sean M. Haffey/Getty Images



3.1.

TAKMIČENJA

3.1.1. Zimski EYOF Bakuriani 2025 (Gruzija)

Bosanskohercegovački tim učestvovao je na XVII zimskom Evropskom omladinskom olimpijskom festivalu u Gruziji koji je održan od 9. do 16. februara 2025. godine u Bakurianiju. Ovaj sportski događaj okupio je oko 1000 mladih sportista iz cijele Evrope.


Našu zemlju su predstavljali Srđan Lalović, biatlon i nordijsko skijanje i Liv Ella Candler, umjetničko klizanje. Treneri u pratnji tima su bili Bojan Minić (biatlon i nordijsko skijanje) i Zara Husedžinović (umjetničko klizanje), dok je šef misije bh tima bila doc. dr. Dejana Planinčić.

Najbolji rezultat je ostvario Srđan Lalović u biatlon disciplini 12.5 km individualno, ostvarivši plasman na 26. mjesto od ukupno 64 takmičara. Lalović je bio i nosilac zastave na ceremonijama otvaranja i zatvaranja Festivala.



3.1.2. Ljetni EYOF Skoplje 2025 (Sjeverna Makedonija)

MEDALJE ZA BOSNU I HERCEGOVINU



Na 18. izdanju ljetnog EYOF-a 2025 u Skoplju, tim Bosne i Hercegovine je učestvovao sa ukupno 34 sportista i 13 oficijela. U periodu proteklih 30 godina od prvog učešća na ovom takmičenju za mlade sportiste Evrope do 18 godina, koje se 1995. godine održalo u Velikoj Britaniji, bosanskohercegovački tim je ove godine ostvario najbolji rezultat osvojivši po prvi put četiri medalje - jednu zlatnu, dvije srebrene i jednu bronzanu medalju.

Tim je zvanično predstavljen u prostorijama OK BiH, 16. jula.





**Ambasador BiH u Sjevernoj Makedoniji,
NJ.E. Dragan Jaćimović**
posjetio BiH tim EYOF Skoplje 2025

Njegova ekscelencija, ambasador Bosne i Hercegovine u Sjevernoj Makedoniji, Dragan Jaćimović, posjetio je bosanskohercegovački tim tokom EYOF-a Skoplje 2025!

Zajedno sa predsjednikom Olimpijskog komiteta BiH, akademikom prof. dr. Izetom Rađom, i generalnim sekretarom, dr. sci. Saidom Fazlagićem, poželjeli su našim sportistima puno uspjeha na ovom takmičenju na kojem je zabilježen rekordni broj predstavnika BiH – najviše do sada na ljetnjom EYOF-u.

Ambasador Jaćimović je istakao: “Bosna i Hercegovina je mala zemlja, ali smo veliki kao ljudi i kao zemlja. Lijepo je kada dobijete medalju, ali niko ne zna koliko je teškog rada iza tog uspjeha.”

U izuzetno pozitivnoj atmosferi razgovarali su sa sportistima i trenerima, razmijenili iskustva i podstakli našu mladež na dalje uspjehe!



Ceremonije otvaranja i zatvaranja

Na ceremoniji otvaranja zastavu Bosne i Hercegovine su nosili Zakira Pušina (streljaštvo) i Nino Šeremet (taekwondo), dok su na ceremoniji zatvaranja zastavu nosili sportisti koji su ostvarili najbolji rezultat u muškoj i ženskoj konkurenciji - Zerina Vrabac (plivanje) i Enhar Mahmić (atletika).



Prva zlatna medalja na EYOF-u
*uspjeh Mahmića i trenera Alića otkriva brutalnu istinu,
imamo šampione, ali nemamo sportski sistem*

PRVA ZLATNA MEDALJA NA EYOF-U

Enhar Mahmić
je znak nade i
podsjetnik...

Uspjeh Mahmića i trenera Hamze Alića otkriva brutalnu istinu: imamo šampione, ali nemamo sportski sistem. Do kada?

Prvi takmičarski dan na EYOF-u u Skoplju, naš mladi atletičar Enhar Mahmić u konkurenciji 15 najboljih mladih bacača kugle u Evropi je osvojio prvu zlatnu medalju za Bosnu i Hercegovinu sa rezultatom 19,34m.

Zlatna medalja mladog šampiona Enhara Mahmića, pod vođstvom trenera Hamze Alića, nije samo sportski rezultat, to je ogledalo talenta koji mladi ljudi u Bosni i Hercegovini nose u sebi. I svaki put kada se pojavi ovakvo ime, podsjeti nas na jedno: potencijala ima, ali systemske podrške nema.

Njihov uspjeh je individualna pobjeda talenta, rada i odricanja, a ne produkt sportskog sistema. Jer taj sistem u BiH – realno – ne postoji. Kada nakon EYOF-a, Balkanskog prvenstva ili svjetskih juniorskih takmičenja gledamo medalje, svi se dičimo, a samo rijetki se zapitaju: gdje su ti sportisti za 5, 10 godina? Odgovor je bolan, prečesto u drugim državama, pod tuđim

zastavama, tražeći uslove koje ovdje nisu dobili. Zato imamo tri, najviše pet olimpijaca na olimpijadi. Zato imamo sportiste bez osnovnih uslova za rad, bez stručne podrške, sa roditeljima koji su jedini „sistem“ koji ih gura naprijed. Sport je ozbiljna djelatnost, to je odgojna, zdravstvena, obrazovna i ekonomska grana, a kod nas je prečesto jeftina karta za političku promociju.

Sportistima treba jasan kriterijski model finansiranja, rezultati, rad i kontinuitet. Javna sredstva treba da slijede vrijednost koju sport donosi – ne da budu politička podjela, već uslovi za razvoj i napredak. Čast izuzecima. Ima ih. Ljudi koji vide širu sliku, koji žele promjene i ne pristaju na prosjek. Enhar Mahmić je znak nade i podsjetnik: uspjeh pojedinaca je moguć uprkos sistemu, ali društvo i sportovi napreduju kada je sistem saveznik.

Vrijeme je da pređemo iz moda “spasi talentovanog pojedinca” u izgradnju sportske piramide, gdje je svaki šampion kruna sistema.

dr. Izet Rađo, predsjednik OK BiH



3.1.3. Zimske olimpijske igre Milano Cortina 2026 (Italija)



Moja priča.



XXV Zimske olimpijske igre Milano Cortina 2026 su do sada najuspješnije ZOI za bh Olimpijski tim. Bosnu i Hercegovinu je na Igrama predstavljalo pet sportista u alpskom skijanju i skijaškom trčanju.

Najbolji, istorijski rezultat ostvarila je Elvedina Muzaferija u disciplini super-veleslalom ostvarivši 16. mjesto od 43 takmičarke, zatim 20. mjesto u spustu od 36 sportistkinja, te 32. mjesto od 76 takmičarki u veleslalomu.

U muškoj konkurenciji najbolji rezultat je ostvario Marko Šljivić u slalomu plasmanom na 23. mjesto od 96 takmičara što je takođe istorijski rezultat u tehničkoj disciplini alpskog skijanja za Bosnu i Hercegovinu. U veleslalomu, Marko je ostvario poziciju na 39. mjesto od 81 takmičara.

Esma Alić je u slalom disciplini bila 36. od 95 takmičarki dok je u veleslalomu zauzela 52. poziciju od 76.

Nordijac Strahinja Erić se u disciplini 10km slobodnim stilom plasirao na 63. mjesto od 113 učesnika, dok je u sprintu bio 67. od 95 takmičara.

Teodora Delipara nažalost nije završila utrku u disciplini 10km slobodnim stilom.

Stručni dio bh. olimpijskog tima na XXV ZOI Milano Cortina 2026 su činili treneri: Mladen Plakalović, Dragan Jeftović, Nicola Quaquarelli, Edhem Bajrić, Faris Zuhrić i Željko Šljivić, kao i fizioterapeutkinja Petra Baumkircher, dok je šef misije bio dr sci. Said Fazlagić, generalni sekretar OK BiH. Na Igrama su učestvovala 92 delegacije svijeta sa 2900 sportista.





Svečana ceremonija otvaranja je održana simultano na 4 mjesta (Milano, Cortina, Predazzo, Livigno) zbog velike udaljenosti olimpijskih sela i rasporeda takmičenja. Naš tim je na ceremoniji otvaranja bio prisutan u Cortini i Livignu. Zastavu na ceremoniji su nosili Elvedina Muzaferija i Marko Šljivić.

ZAHVALNOST MINISTRICI DUBRAVKI BOŠNJAK
na kontinuiranoj podršci Olimpijskom timu Bosne i Hercegovine



Ministrica civilnih poslova Bosne i Hercegovine, Dubravka Bošnjak kontinuirano pruža podršku našem olimpijskom timu. Ministrica je, nakon Ceremonije otvaranja, prisustvovala prvom nastupu bh tima kada je najbolja bh skijašica olimpijka Elvedina Muzaferija ostvarila najbolji plasman Bosne i Hercegovine u zimskim sportovima.

Olimpijski komitet Bosne i Hercegovine, treneri i sportisti cijene što je ministrica dio bh olimpijskog puta, od Olimpijskih igara u Parizu do Zimskih olimpijskih igara Milano Cortina.

Podrška institucija sportistima Bosne i Hercegovine znači snagu, povjerenje i zajedništvo koje olimpizam nosi.



SVEČANA CEREMONIJA OTVARANJA BH TIM



MILANO CORTINA 2026,
Uspjesi uprkos državi, hoćemo li konačno
izgraditi sistem za najbolje?



BIH TEAM
WINTER OLYMPICS 2026
MILANO CORTINA



Nakon ZOI Milano Cortina 2026 ostaje jedna jasna i snažna istina: sportisti Bosne i Hercegovine još jednom su dokazali da talenat, rad i karakter postoje u ovoj zemlji. Ono što i dalje nedostaje jeste sistem koji ih prepoznaje, prati i strateški razvija.

Rezultati koje su ostvarili bh. olimpijci nisu plod stabilne sportske politike, dugoročne državne strategije niti uređenog modela finansiranja. Oni su rezultat lične žrtve, porodične podrške, predanosti trenera i entuzijazma malog broja ljudi koji vjeruju da je sport javno dobro, a ne protokolarna kategorija. U takvom ambijentu, uspjesi Lane, Elvedine, Tee, Anura, Marka, Strahinje i mnogih drugih nisu samo sportski rezultati - oni su čin dostojanstva. Oni su dokaz da vrhunski dometi mogu nastati i u uslovima institucionalne oskudice. Ali istovremeno, ti rezultati su i ozbiljna opomena.

Bosna i Hercegovina nema stabilan i predvidiv model finansiranja sporta, nema jasnu državnu strategiju razvoja sporta, nema sistemsku brigu o sportistima nakon karijere, niti jedinstven zakonodavni okvir koji sport prepoznaje kao strateški interes. Naši olimpijci ne uspijevaju zahvaljujući sistemu, nego uprkos njemu. U kontekstu Bosne i Hercegovine, gdje sistem često kasni za talentom, rezultati naših olimpijaca na ZOI Milano - Cortina moraju poslužiti kao kompas budućih reformi. Ako to ne učinimo, propuštamo istorijsku šansu. A najboljim mladim ljudima time političari šalju poruku da idu i potraže bolje mjesto kako bi ostvarili svoje snove.

Odgovorni za sport, od nadležnih ministarstava do političkih struktura, godinama tretiraju sport kao budžetski trošak, a ne kao investiciju u društveni kapital. Sport je često sveden na deklarativnu podršku i fotografije s pobjednicima,



bez suštinskih reformi i sistemskih rješenja. Takav odnos šalje opasnu poruku ne samo sportistima, nego i svim talentovanim mladim ljudima u zemlji: da sistem nije spreman stati iza izvrsnosti, da uspjeh zavisi isključivo od lične borbe, a ne od institucionalne podrške.

U svijetu u kojem druge države sistemski ulažu u sport, nude infrastrukturu, naučnu i medicinsku podršku, stipendije i profesionalne timove, Bosna i Hercegovina rizikuje da izgubi ono najvrednije – svoje najbolje ljude. Neulaganje u najbolje nije samo politička greška. To je etički problem.

Sportisti poput Lane, Elvedine, Tee, Anura, Marka, Strahinje i drugih ne traže privilegije. Oni traže fer uslove: infrastrukturu, stručnu podršku, zdravstvenu zaštitu, planiranu karijeru i sigurnu tranziciju nakon sporta. Traže sistem koji će pratiti njihov trud i poštovati njihovu žrtvu. Kada država to ne obezbijedi, a istovremeno koristi njihove uspjehe za kolektivni ponos, nastaje ozbiljna moralna disonanca. Ne možemo slaviti medalje, a ignorisati procese. Ne možemo aplaudirati rezultatima, a zanemarivati odgovornost.

Sport mora postati dio razvojne strategije Bosne i Hercegovine. Potrebna nam je dugoročna nacionalna strategija sporta, stabilan model finansiranja, profesionalizacija upravljanja, sistem dualnih karijera i jasni mehanizmi odgovornosti i dobrog upravljanja. Olimpijci nisu heroji improvizacije. Oni moraju biti rezultat sistema koji prepoznaje vrijednost izvrsnosti.

Ako uspjesi ostvareni u Milanu i Cortini ne pokrenu ozbiljne reforme, onda nismo razumjeli poruku koju su nam naši sportisti poslali sa staze, snijega i takmičarskih arena. I pored često nehumanog odnosa prema najboljima, oni ostaju, treniraju, bore se i postižu vrhunske rezultate. Njihovi uspjesi nisu samo sportski - oni su moralna lekcija društvu.

Bosna i Hercegovina ima potencijal. Ali potencijal bez sistema je rizik. Potencijal sa sistemom je budućnost. Milano Cortina 2026. nam je dala priliku. Na političkom sistemu je da odluči hoće li je iskoristiti ili će i dalje kasniti za vlastitim talentom.

3.2.

STIPENDIJE I PODRŠKA

za učešće na takmičenjima

3.2.1. Stipendije za potencijalne učesnike ZOI Milano Cortina 2026

Stipendisti OK BiH su bili:

1. **Elvedina Muzaferija**, *alpsko skijanje*
2. **Emir Lokmić**, *alpsko skijanje*
3. **Marko Šljivić**, *alpsko skijanje*
4. **Strahinja Erić**, *skijaško trčanje*
5. **Sara Plakalović**, *skijaško trčanje*
6. **Mirza Nikolajev**, *sankanje*
7. **Hamza Pleho**, *sankanje*
8. **Tarik Omeragić**, *brzo klizanje*

U mandatnom periodu 2024 - 2026 nastavljen je projekat stipendiranja osam vrhunskih sportista, potencijalnih kandidata za Zimske olimpijske igre Milano Cortina 2026. Vrhunski sportisti su primali olimpijsku stipendiju u mjesečnom iznosu od 937 američkih dolara u ukupnom trajanju od 28 mjeseci, a stipendiranje je završeno zaključno sa februarom 2026. godine.

937 \$

mjesečni iznos stipendije

28

mjeseci

3.2.2. Stipendije za potencijalne učesnike OI Los Angeles 2028

Stipendisti OK BiH su bili:

1. **Mesud Pezer**, *atletika*
2. **Nedžad Husić**, *taekwondo*
3. **Jovan Lekić**, *plivanje*
4. **Amel Tuka**, *atletika*
5. **Toni Miletić**, *judo*
6. **Andranik Karapetyan**, *dizanje tegova*
7. **Lana Pudar**, *plivanje*
8. **Larisa Cerić**, *judo*
9. **Aleksandra Samardžić**, *judo*
10. **Džejla Makaš**, *taekwondo*
11. **Ada Avdagić**, *taekwondo*
12. **Tea Kovačević**, *tenis*
13. **Zakira Pušina**, *streljaštvo*

1.160 KM

3
godine

mjesečni iznos stipendije

Trinaest najboljih sportista, potencijalnih kandidata za učešće na Olimpijskim igrama "Los Angeles 2028", u oktobru 2025. godine potpisali su ugovore sa Olimpijskim komitetom BiH kojima su im osigurane stipendije, s ciljem da se kvalifikuju i što bolje pripreme za nastup na Olimpijskim igrama koje će se održati u Los Angelesu 2028. godine. Ovim projektom OK BiH, sportistima je omogućena finansijska podrška u iznosu od 1.160 BAM mjesečno tokom tri godine, što predstavlja ukupnu podršku od približno 542.000 BAM za njih 13. Ova pomoć namijenjena je upravo njima – sportistima koji se takmiče u različitim sportovima i sportskim disciplinama, uključujući atletiku, taekwondo, plivanje, judo, dizanje tegova, tenis i streljaštvo.



**3.2.3. Dodatna podrška OK
BiH vrhunskim sportistima za
kvalifikacije na ZOI Milano Cortina
2026 i Road to LA 2028
Kontinentalni grant i Program+**

Iz sredstava Kontinentalnog granta 2024. godine i Programa+, u skladu sa postignutim rezultatima i potencijalom za kvalifikovanje na predstojeće olimpijske igre, za trenažne procese i pripreme podržani su sportisti: Lana Pudar, Elvedina

Muzaferija, Amel Tuka, Mesud Pezer, Emir Lokmić, Marko Šljivić, Esma Alić, Nikolina Dragoljević, Teodora Delipara, Anur Mehić, Darja Duraković, Yasser Salem, Andranik Karapetyan, Tea Kovačević, Zakira Pušina, Mirza Nikolajev i Strahinja Erić.

Finansijska sredstva obezbjeđena su iz Kontinentalnog granta i sponzorskih sredstava, a ukupna visina podrške iznosila je cca 236.250,00 KM.



Lana Pudar



Elvedina Muzaferija



Amel Tuka



Tea Kovačević



Anur Mehić



Zakira Pušina



Emir Lokmić



Marko Šljivić



Mesud Pezer



Darja Duraković



Yasser Salem



Andranik Karapetyan



Esma Alić



Teodora Delipara



Nikolina Dragoljević



Mirza Nikolajev



Strahinja Erić



Stipendije i podrška za učešće na takmičenjima

3.2.4. Podrška mladim olimpijskim nadama Bosne i Hercegovine

“Program plus za mlade nade” koji se realizuje u sklopu programa razvoja mladih sportista dodijeljen je ukupno 13 mladih sportista koji su na osnovu prijave sportskih saveza BiH selektovani od strane Komisije za vrhunski sport i Izvršnog komiteta OK BiH. Ovaj program omogućava NOK-ovima identifikaciju perspektivnih sportista koji bi trebali imati svijetlu sportsku i olimpijsku budućnost.

Vrijednost projekta je: 25.000 USD (cca. 42.500 KM).



Stipendisti programa Mlade olimpijske nade bili su:

1. Atletika – **Enhar Mahmić** – bacanje kugle
2. Biatlon – **Srđan Lalović** – individual
3. Biciklizam – **Ermin Musračević** – cestovni biciklizam
4. Judo – **Korina Đidić** – 70kg
5. Plivanje – **Iman Avdić** – 400 slobodno
6. Dizanje tegova – **Luka Madunić**
7. Skijanje – **Mehić Anur** – Alpsko skijanje
8. Streljaštvo – **Zakira Pušina** – zračna puška
9. Taekwondo – **Nino Šeremet** – borbe
10. Umjetničko klizanje – **Eva Sužnjević** – single/figure skating
11. Tenis – **Tea Kovačević** – single/dubl
12. Triatlon – **Anđela Talić**
13. Boks – **Rejjan Jakupović**



3.3.**NAGRADE I PODSTICAJI****3.3.1. Izbor sportiste 2024. godine
u organizaciji OK BiH**

LANA PUDAR ZA SPORTISTU GODINE PONOVO PROGLAŠENA NAŠA NAJBOLJA PLIVACICA



U svečanom ambijentu multimedijalne sale Olimpijskog komiteta Bosne i Hercegovine i uz direktan TV prijenos na FACE TV, 18. decembra 2024. godine održana je XIII po redu manifestacija "Izbor sportiste godine" u organizaciji Olimpijskog komiteta Bosne i Hercegovine uz specijalno pokroviteljstvo Predsjedništva Bosne i Hercegovine.

Izbor sportiste 2024. godine održan je u prisustvu najeminentnijih lica bh. sportske javnosti.



”

U svojoj dosadašnjoj karijeri dobila sam mnogo nagrada i priznanja, ali nekako mi je uvijek posebna čast i zadovoljstvo dobiti priznanje od krovne kuće našeg sporta, Olimpijskog komiteta Bosne i Hercegovine. To je institucija koja je uz mene od samih početaka moje karijere i to je zaista nešto što cijenim i što mi puno znači.

Veliko hvala Stručnom žiriju što je prepoznao i vrijednovao moje rezultate iz ove godine.

Ovim putem želim da čestitam i svim ostalim laureatima, mojim sportskim kolegama na njihovim zasluženim nagradama. Ovo priznanje mi je dodatni motiv da nastavim još bolje i predanije raditi na sebi i da se potrudim da postignem još bolje rezultate u budućnosti!”

Lana Pudar

Ispred Predsjedništva Bosne i Hercegovine, prisutnima se obratio član Predsjedništva BiH N.J.E. Denis Bećirović koji je između ostalog istakao da je posjetio olimpijski tim na Olimpijskim igrama u Parizu, te da je ugostio i nagradio Olimpijsku i Paraolimpijsku delegaciju nakon Igara, obećavši podršku vrhunskom sportu i u budućnosti.

U ime Olimpijske porodice Bosne i Hercegovine obratio se predsjednik OK BiH, akademik prof. dr. Izet Rađo te istakao planove, aktivnosti i opredjeljenost OK BiH za predan rad na unaprjeđenju sporta i sportskog sistema Bosne i Hercegovine, zahvalivši se svima koji podržavaju naše sportiste.



Nagrade i podsticaji



3.3.2. Izbor sportiste 2025. godine u organizaciji OK BiH



U svečanom ambijentu multimedijalne sale Olimpijskog komiteta BiH i uz direktan TV prenos na FACE TV, 09. 12. 2025. godine održana je 14. po redu manifestacija "Izbor sportiste godine" u organizaciji Olimpijskog komiteta Bosne i Hercegovine i uz specijalno pokroviteljstvo Predsjedništva Bosne i Hercegovine. Izbor sportiste 2025. godine održan je u prisustvu najeminentnijih lica bosanskohercegovačkog sporta i sportske javnosti.

Za sportistu 2025. godine, proglašena je naša najbolja plivačica Lana Pudar.

”

Velika mi je čast i zadovoljstvo što sam i ovu godinu izabrana za najbolju sportistkinju Bosne i Hercegovine”, kazala je naša najbolja plivačica Lana Pudar.

Ova nagrada će mi sigurno biti značajna motivacija u daljnjem radu. Ovdje na Univerzitetu Virdžinija, vrijedno radim i treniram i predstavljam svoju zemlju sa ponosom. Trudim se da i u narednom periodu donesem mnogo rezultata koji će nas obradovati kao i u prethodnom periodu. Hvala Vam na podršci i povjerenju i na tome što zajedno gradimo bolju i ljepšu budućnost bosanskohercegovačkog sporta.

Lana Pudar

**LANA
PUDAR
JOŠ
JEDNOM
SPORTISTA
GODINE!**

U ime Olimpijske porodice Bosne i Hercegovine prisutnima se obratio Predsjednik OK BiH, akademik prof. dr. Izet Rađo.

“Danas smo ovdje da proslavimo sport, ali i da proslavimo vrijednosti koje sport nosi: odgovornost, posvećenost, hrabrost i zajedništvo. To su vrijednosti koje ne pripadaju samo stadionima i dvoranama, to su vrijednosti koje oblikuju društvo. OK BiH je mjesto gdje se piše drugačija priča, priča o boljem, plemenitijem sutra, gdje svaki sportista, trener i građanin Bosne i Hercegovine postaje partner u stvaranju humanije budućnosti. To je naša obaveza, naša čast i naš put.”

“Vi ste dokazali da mala zemlja postaje velika kroz velike ljude. I zato večeras kažem jasno i glasno: ponosni smo na svakog od vas. Ali, kao Predsjednik Olimpijskog komiteta, dužnost mi je reći i ono što se ponekad prešuti: naši sportisti uspijevaju zahvaljujući sebi, a ne zahvaljujući sistemu. To se mora promijeniti. Država koja želi napredak mora imati strategiju, stabilno finansiranje, infrastrukturu, medicinski nadzor, programe podrške, stručne timove i jasna pravila i kriterije. Zapamtite: medalja ne svijetli samo na prsima, ona svijetli u očima ljudi koje ste inspirisali, godinama kasnije. Budite ponosni na sebe. Budite hrabri. Budite glasnici zemlje koja vas treba, možda više nego što mislite. Neka ova noć bude potvrda da smo na pravom putu. Neka bude poziv da država i institucije konačno stanu uz one koji nas predstavljaju s ponosom. I neka bude obećanje da ćemo graditi sportsku kulturu koja našoj djeci daje šansu da ostvare svoje snove.”



3.3.3. Nagrade za istaknuti sportski rezultat – osvajači medalja na višesportskim takmičenjima u organizaciji OK BiH

Iako nebudžetski korisnik, Olimpijski komitet Bosne i Hercegovine je u mandatnom periodu proteklih 16 mjeseci prepoznao i simbolično nagradio najbolje rezultate bh. predstavnika tokom učešća na međunarodnim višesportskim takmičenjima u organizaciji OK BiH.

Nagrađeni su osvajači medalja na ljetnom EYOF-u Skoplje 2025, kao i njihovi treneri:

- 1. Zlatna medalja,** Enhar Mahmić, atletika (5000 KM) i trener Hamza Alić (4000 KM).
- 2. Srebrna medalja,** Zerina Vrabac, plivanje (4000 KM) i trener Evelin Avdić (3000 KM).
- 3. Srebrna medalja,** Amir Memišević (4000 KM) i trener po Odluci Saveza (3000KM).
- 4. Bronzana medalja,** Nino Šeremet, taekwondo (3000 KM) i trener Vedran Ćubela (2000 KM).

Ukupna vrijednost nagrada za istorijski rezultat ostavren na ljetnim EYOF-ima iznosila je 28.000,00 KM.



20-26 JULY

EUROPEAN

YOUTH OLYMPIC

FESTIVAL

20-26 JULY

20-26 JULY

EUROPEAN

YOUTH OLYMPIC

FESTIVAL

20-26 JULY

3.3.4. Nagrade za postignute vrhunske sportske rezultate

OK BiH kao nebudžetski korisnik je u skladu sa svojim mogućnostima, prepoznao i simbolično nagradio uspjehe bh. sportista tokom predstavljanja Bosne i Hercegovine na ZOI Milano Cortina 2026. OK BiH je nagradio: Elvedinu Muzaferiju (7000 KM), Marka Šljivića (5000 KM), Strahinju Erića (3000 KM), Esmu Alić (3000 KM) i Teodoru Deliparu (2000 KM). Takođe, nagrađene su i mlade olimpijske nade Tea Kovačević (15000 KM) i Zakira Pušina (10000 KM).

Ukupan iznos nagrada za period od 16 mjeseci iznosio je 45.000,00 KM.



3.3.5. Nagrada Energoinvesta najboljim sportistima u kategoriji juniora za 2025. godinu

Energoinvest d.d. Sarajevo je u 2025. godini u sklopu specijalnog partnerstva manifestacije Izbor sportiste godine 2025 stipendirao četvero mladih sportista, dobitnika nagrada u kategoriji juniora sa po 5.000 konvertibilnih maraka koje su dobili Tea Kovačević, Zakira Pušina, Enhar Mahmić i Anur Mehić.

Ukupna vrijednost sponzorske podrške iznosila je 20.000 KM.



3.3.6. Nagrada Predsjedništva Bosne i Hercegovine olimpijcima Pariz 2024

Nakon prijema Olimpijskog tima Pariz 2024 koji je upriličio Predsjedavajući Predsjedništva BiH dr Denis Bećirović, bh. olimpijci: Larisi Cerić, Aleksandri Samardžić, Lani Pudar, Jovanu Lekiću i Mesudu Pezeru je dodijeljena podrška u visini od po 5.000,00 KM za dostojanstveno i uspješno predstavljanje Bosne i Hercegovine na najvećoj svjetskoj smotri sporta - Olimpijskim igrama.



3.4.

SPORTSKI SAVEZI

Bosne i Hercegovine

3.4.1. Napredni kursevi menadžmenta u sportu ASMC 2025

Napredni kursevi menadžmenta u sportu 2025, su treće izdanje navedenog programa koje je pohađalo 17 predstavnika sportskih saveza Bosne i Hercegovine. Radi se o kompleksnom edukativnom programu koji je osmišljen od strane Međunarodnog olimpijskog komiteta, te predstavlja kvalitetnu teoretsko-praktičnu platformu za unapređenje rada sportskih organizacija. Navedeni edukativni program prati osnovne menadžerske oblasti i trajao je od marta do oktobra mjeseca 2025. godine (7 modula od 2 radna dana). Program kursa je u potpunosti diktiran od strane MOK-a, te je osmišljen u saradnji sa više od 150 svjetski priznatih naučnika i stručnjaka iz sportskog menadžmenta i obuhvata učenje o ključnim kompetencijama neophodnim za uspješno vođenje sportskih organizacija: uvod u Napredne kurseve menadžmenta u sportu; uređenje olimpijske sportske organizacije; strateško upravljanje; upravljanje humanim resursima; upravljanje finansijama; marketing; organizovanje sportskog događaja.



Petnaest (15) kandidata je uspješno završilo edukaciju, te su dobili validnu diplomu Međunarodnog olimpijskog komiteta koja predstavlja prestižnu preporuku za rad u administraciji sportskih organizacija širom svijeta.

Vrijednost projekta je: 15.000 USD.



3.4.2. Grant podrške timskom sportu - Ženska košarkaška reprezentacija

Projekat Olimpijske solidarnosti Međunarodnog olimpijskog komiteta "Team Support Grant" koji je koristila Ženska košarkaška reprezentacija (2021-2024), s ukupnim iznosom od 100.000 USD, okončan je završetkom 2024. godine. Sredstva su bila operativna na godišnjem nivou po 25.000 USD.

Cilj Granta je bila podrška pripremama i učešću na najprestižnijim evropskim takmičenjima i trening kampovima. Iako na dobrom putu, Ženska košarkaška reprezentacija ipak nije uspjela izboriti kvalifikacije za Olimpijske igre "Paris 2024", što je bio cilj projekta.

3.4.3. Grant podrške timskom sportu - Ženska ragbi reprezentacija

U 2025. godini potpisan je ugovor između OK BiH i Ragbi saveza BiH u sklopu projekta podrške timskom sportu putem fonda Olimpijske solidarnosti „Team Support Grant“. Projekat je vrijedan 100.000 američkih dolara u ukupnom trajanju od četiri godine (godišnje 25.000 USD). Usmjeren je na razvoj i jačanje Ženske ragbi reprezentacije Bosne i Hercegovine, kao i struktura u kojima djeluje.

Cilj ovog granta je omogućiti našim sportašicama pripreme za kvalifikaciona takmičenja sa ciljem kvalifikacija na Olimpijske igre Brisbane 2032.

3.4.4. Razvoj državne sportske strukture golfa

Projekat Fonda Olimpijske solidarnosti Međunarodnog olimpijskog komiteta „Razvoj državne sportske strukture iz golfa“ završen je u decembru 2024. godine.

Projekat je realizovan u saradnji s Internacionalnom golf federacijom.

Cilj je bio unapređenje svih segmenata rada Golf saveza BiH, s posebnim naglaskom na edukaciju stručnog kadra, pod vodstvom IF eksperta. Ostvareni su srednjeročni i dugoročni akcioni planovi, ojačana je trenerska struktura i Savez, te održani seminari za trenere i sudije.

Vrijednost projekta je: 40.000 USD.

3.4.5. Razvoj državne sportske strukture atletike

Jednogodišnji projekat Fonda solidarnosti Međunarodnog olimpijskog komiteta „Razvoj državne sportske strukture iz atletike“ ozvaničen je potpisivanjem ugovora u prostorijama OK BiH. Projekat "Development of National Sport System" je složen i važan program čiji je cilj omogućiti NOK-ovima da razviju i ojačaju trenažne strukture sportskih saveza i srodnih sistema postavljanjem srednjeročnog ili dugoročnog akcionog plana.

Kroz projekat se uspostavlja sistem licenciranja trenera i sudija u Bosni i Hercegovini.

Vrijednost projekta je: 40.000 USD.



3.4.6. IBU - Omladinski trening kamp Njemačka 2025

Četvoro sportista i jedan trener učestvovali su na IBU Omladinskom trening kampu putem fonda Olimpijske solidarnosti. Program je predložen od strane Olimpijske solidarnosti i IBU, a Biatlon savez BiH je za učešće delegirao sportiste: Lara Škipina, Iva Mačar, Petar Klačar, Njegoš Kosmajac i trenera: Anastasija Vojinović. Učesnici su imali plaćen smještaj, putne troškove, pristup borilištima, opremi i edukativno-kulturnom programu.

Vrijednost projekta je: 4.717 USD.



3.4.7. Nabavka sportske opreme za reprezentativne selekcije i VIP poklone

U 2025. godini izvršena je nabavka sportske opreme za reprezentativne selekcije i VIP poklone za period 2025/2026. Oprema je planirana za upotrebu u višesportskim takmičenjima te u promotivnim aktivnostima OK BiH.

Ova nabavka predstavlja nastavak aktivnosti usmjerenih na jačanje promocije OK BiH kao i dugogodišnjeg sponzora sportske opreme, kompanije NUMBER1.



3.5.

OK BiH i IASAINBiH

3.5.1. Simpozijum “Diplomatija u sportu kao društveni fenomen međunarodne promocije i razvoja Bosne i Hercegovine”

U organizaciji Association International Academy of Sciences and Arts in Bosnia and Herzegovina (IASAiNBiH) i specijalnog partnera Olimpijskog komiteta BiH u novembru 2025. godine, održan je Simpozij “Diplomatija u sportu kao društveni fenomen međunarodne promocije i razvoja Bosne i Hercegovine”.

U vremenu kompleksnih međunarodnih odnosa i izazova, diplomacija poprima nove oblike i mehanizme djelovanja. Jedan od najefikasnijih, a često nedovoljno iskorištenih alata moderne diplomatije jeste sport. Sport je univerzalni jezik koji nadilazi granice, kulture i ideologije - a ujedno predstavlja snažan instrument međunarodne promocije države, afirmacije pozitivnih vrijednosti, izgradnje unutrašnje kohezije i povezivanja s globalnim akterima. U prepunoj multimedijalnoj sali Olimpijskog komiteta BiH, pred brojnim gostima, renomirani predavači, akademici, ambasadori, bh diplomate, olimpijci, sportski radnici održali su predavanja i učestvovali u panel diskusiji na temu “Diplomatija u sportu”. Simpozij je otvoren video obraćanjem akademika Asima Kurjaka, predsjednika IASAiNBiH, koji je naglasio značaj diplomatije u svim sferama života; nakon otvaranja simpozijuma u ime člana Predsjedništva BiH, Nj.E. dr. Denisa Bećirovića obratio se šef kabineta, dr. Alija Kožljak koji je nakon inspirativnog govora zaključio obraćanje sa rečenicom: “Neka naš cilj bude jednostavan, ali veličanstven: da BiH svijet prepozna po njenim vrijednostima, po njenim sportistima i po sposobnosti da uvijek - na terenu i u diplomatiji - igra fer, hrabro i dostojanstveno.” Simpozij je zvanično otvorio predsjednik OK BiH akademik Izet Rađo.



DIPLOMATIJA U SPORTU paneli

SPORT JE NAJSNAŽNIJI AMBASADOR BIH
jer govori jezikom koji razumiju svi narodi i kulture

O sportu kao univerzalnom ambasadoru dijaloga i razvoja govorio je dr. Semir Osmanagić, o moći sporske diplomatije na globalnom nivou govorio je MSc Ivan Tomić, a video prezentaciju o tome da sport ne poznaje granice priredio je akademik Srgjan Kerim.

Panel diskusije obuhvatile su ključne teme sportske diplomacije, o kojima su govorili NJ.E. Luigi Soreca, ambasador Evropske unije u BiH; NJ.E. Francois Delmas, ambasador Francuske u Bosni i Hercegovini; NJ.E. Sarah Eti Castellani, ambasadorica Italije u BiH; NJ.E. Dragan Jaćimović ambasador BiH u Sjevernoj Makedoniji; akademik Nerkez Arifhodžić, diplomatski savjetnik člana Predsjedništva BiH i dugogodišnji ambasador BiH, mr. sci. Samir Avdić, gradonačelnik Grada Sarajeva; akademik Izet Rađo, predsjednik OK BiH.

Drugi panel, fokusirao se na doprinos vrhunskih sportista na kreiranju najbolje slike Bosne i Hercegovine u svijetu, uz učešće sportskih ambasadora BiH; Amela Tuke, olimpijca i bh. atletičara; biciklistkinje Lejle Njemčević, Tonija Zorića, predsjednika Biciklističkog saveza BiH; Mire Klepića, predsjednika Karling saveza BiH, Dževada Alihodžića, generalnog sekretara Košarkaškog saveza BiH, dr. sci. Fuada Čibukčića, izvršnog direktora IASaInBiH i potpredsjednika Komisije za međunarodne odnose OK BiH, te video-obraćanjima Edina Džeke, proslavljenog bh. fudbalera; Lane Pudar, olimpijke, najbolje bh. plivačice; Jure Franka, olimpijca, osvajača srebrne medalje na ZOI'84; Adisa Bećiragića, donedavnog selektora Košarkaške reprezentacije BiH i Momira Jelovca, istaknutog sportskog novinara, koji su sa nama podijelili važnost predstavljanja Bosne i Hercegovine kroz sport. Svi panelisti su jednoglasno prihvatili Deklaraciju Simpozija koju je prezentovao predsjednik OK BiH akademik Izet Rađo.



3.5.2. Simpozijum “Životna dob i zdravlje”



SIMPOZIJ

ŽIVOTNA DOB

I ZDRAVLJE

U Olimpijskom komitetu BiH, 3. oktobra 2025. godine, održan je simpozij “Životna dob i zdravlje”, kojim se Sarajevo pridružilo svjetskim gradovima u obilježavanju Međunarodnog dana starijih osoba. Organizatori su bili Association International Academy of Sciences and Arts in Bosnia and Herzegovina i Olimpijskog komiteta BiH, uz podršku Federalnog ministarstva obrazovanja i nauke, Ministarstva zdravstva KS i Evropske asocijacije profesora emeritusa (E.A.P.E.).

Okupljeni akademici, ljekari i profesori govorili su o izazovima i prilikama koje nosi produženje životnog vijeka, naglasivši potrebu multidisciplinarnog pristupa i uloge novih tehnologija u očuvanju zdravlja starijih osoba. Prisutnima su se obratili dr. Enis Hasanović, ministar zdravstva KS, akademkinja Halima Resić, predsjednica Organizacionog odbora, te mr. sci. Rodoljub Petković, predsjednik Komisije za edukaciju OK BiH, poručivši da je “starenje globalni izazov, ali i prilika da gradimo društvo koje cijeni iskustvo i znanje starijih generacija”. Sarajevo se ovim skupom svrstalo uz gradove Catania, Košice, Napulj, Salerno, Caserta i Padova, šaljući snažnu poruku da dostojanstveno i zdravo starenje pripada svima.



3.6.

PROJEKTI OK BIH

putem fondova Evropske Unije

3.6.1. OCEAN

Olimpijski komitet Bosne i Hercegovine u mandatnom periodu uspješno završio sa realizacijom tri Erasmus + sport projekta, i to: projekta OCEAN - Olimpijski komiteti Evrope na putu karbonske neutralnosti. Završnom konferencijom u Briselu, projekt OCEAN je okončan, a Bosna i Hercegovina je dobila prvog Climate Change officer-a doc. dr. Maju Đurić. Kroz realizaciju projekta OCEAN, sačinjena je sveobuhvatna Strategija za smanjenje ugljičnog otiska OK BiH koja je promovisana u okviru redovnih aktivnosti OK BiH, te je dostupna i na internet stranici OK BiH.



3.6.2. SPORTS AS VALUE, OLYMPIC KIDS & WOMEN4SPORT

Završeni projekti su i Sport as Value - Sport kao vrijednosti i OlympicKids – Djeca trče ka Olimpijadi.

Olimpijski komitet BiH je koordinator projekta Women4Sport - Podizanje kapaciteta žena u vođenju procesa i donošenju odluka u sportu u zemljama Zapadnog Balkana. Početkom 2025. godine OK BiH je održao veliku konferenciju o jačanju ženskog liderstva u sportu, te kroz ostale projektne aktivnosti jačao ovu oblast u Bosni i Hercegovini.

Women4Sport projekat je ponosno predstavljen i na Evropskom sportskom kongresu u novembru mjesecu u Lilu, u Francuskoj, te je Olimpijski komitet Bosne i Hercegovine u sklopu Foruma sportista održao završnu panel diskusiju gdje su predstavljeni postignuti rezultati projekta.



3.6.3. Projekat “SAFEHARBOUR”

U 2025. godini OK BiH je započeo realizaciju dva nova Erasmus+ projekta, i to: SafeHarbour – jačanja mehanizma zaštite sportista, čime je Olimpijski komitet Bosne i Hercegovine dobio certificiranog IOC Safeguarding službenika - Ema Habul.



3.6.4. STRONG, VALUE COMPASS, WE LEAD & WAVE

Početkom 2026. godine, OK BiH kreće u realizaciju još četiri nova Erasmus+ projekta i to: STRONG - unapređenje dobrog upravljanja u evropskim nacionalnim olimpijskim komitetima razvojem okvira koji štite i promovišu prava i odgovornosti sportista; VALUE COMPASS - projekat koji ima za cilj jačanje demokratskih vrijednosti u i kroz sport u Evropi; WELEAD – čiji je glavni cilj unapređenje uloge žena u društvu, posebno nezaposlenih i neaktivnih, kroz razvoj i evaluaciju znanja i vještina sportskog liderstva i WAVE - koji ima za cilj promovisanje rodne ravnopravnosti i liderskih mogućnosti za žene u sportovima na otvorenom širom Zapadnog Balkana, čime Olimpijski komitet Bosne i Hercegovine kontinuirano radi na unapređenju sportskog sistema u BiH.



3.6.5. Evropska sedmica sporta

U septembru 2025. godine započeta je realizacija Erasmus+ projekta - Aktivni zajedno Evropska sedmica sporta, kroz 5k utrku "Atletist" u Istočnom Sarajevu i Sport za sve, inkluzivni dan u Tuzli u saradnji sa Specijalnom olimpijadom u BiH.

Također, OK BiH je dio i IPA projekta Evropska sedmica sporta koja je inicijativa Evropske komisije za promovisanje sporta i tjelesne aktivnosti u cijeloj Evropi pod sloganom #BeActive.

Kampanja je u Bosni i Hercegovini proputovala kroz devet gradova i okupila hiljade učesnika, od najmlađih do najstarijih, u različitim takmičenjima i sportskim manifestacijama uključujući fudbal u Cazinu, ragbi u Zenici, vaterpolo u Neumu, triatlon u Tuzli, karling na Palama, cheerleading u Širokom Brijegu, konjički sport u Sarajevu, kajaking u Banjaluci i centralni događaj u Visokom, šaljući jasnu poruku – sport i kretanje su ključ zdravlja, zajedništva i boljeg života. Evropska sedmica sporta upravo potiče na to da je svaki dan prilika za fizičku aktivnost i zdrav životni stil. Koordinator projekta je Ministarstvo civilnih poslova BiH.

Također, Ministarstvo kulture i sporta Kantona Sarajevo je u 2024. godini podržao i projekat Podrške vrhunskim bh. sportistima kroz kombinovani model testiranja za unapređenje rezultata u saradnji sa Verlab institutom, te je u martu 2025. godine održan završni webinar projekta "Značaj i optimizacija ishrane sportista u cilju postizanja vrhunskih rezultata".

Dodatno Olimpijski komitet Bosne i Hercegovine učestvovao je kao panelista



na EU info danu Ministarstva civilnih poslova Bosne i Hercegovine predstavljajući dobre prakse u radu u EU projektima kroz desetogodišnje iskustvo u radu u projektima.

Olimpijski komitet Bosne i Hercegovine je ponosan na sve aktivnosti koje su provedene u protekloj godini putem grantova Evropske unije, te u narednoj godini sa zadovoljstvom nastavljamo sa vrijednostima i praksom uspostavljenim u Evropskoj Uniji.



3.7.

PROJEKTI

promocije, edukacije i Olimpijsko naslijeđe

3.7.1. Seminar sportske medicine “Sport i srce” 2025

SEMINAR SPORTSKE MEDICINE

U organizaciji Olimpijskog komiteta Bosne i Hercegovine, 23.05.2025. godine održan je četvrti po redu Međunarodni seminar sportske medicine na temu “Sport i srce”, pod pokroviteljstvom Međunarodnog olimpijskog komiteta, a u saradnji sa Zdravstvenom komisijom OK BiH i Internacionalnom akademijom nauka i umjetnosti u Bosni i Hercegovini, ASA Bolnicom i specijalnim pokroviteljstvom Federalnog ministarstva zdravstva.

Učesnici Seminara su imali priliku slušati predavanja međunarodnih, regionalnih i domaćih stručnjaka iz tematske oblasti Seminara koji su nezaobilazni i sastavni dio života svakog profesionalnog i vrhunskog sportiste.

Seminar je otvorio Predsjednik OK BiH, akademik prof. dr. Izet Rađo koji se prisutnima obratio u ime Olimpijske porodice Bosne i Hercegovine.

Posebnu čast nam čini što se Seminar odvija pod jurisdikcijom Međunarodnog olimpijskog komiteta, te u organizaciji Olimpijskog komiteta Bosne i Hercegovine, čime se potvrđuje da je zdravlje sportista najviši prioritet savremenog olimpijskog pokreta – ne samo kroz postignuća, već i kroz odgovornost, edukaciju i prevenciju. Danas se na Seminaru nije govorilo samo o bolestima, rizicima i terapijama. Govorilo se o životu sportiste, o svakom otkucaju njegovog srca u trenutku vrhunske forme, ali i u trenucima kada tijelo traži oporavak, ravnotežu i pažnju. Zato je ovaj Seminar više od akademskog skupa. On je platforma za saradnju, razmjenu i zajednički napredak, utemeljen na znanju, međusobnom poštovanju i posvećenosti istom cilju – zdravom sportisti u zdravom društvu.

akad. prof. dr. Izet Rađo, predsjednik OK BiH



SPORT I SRCE

Predavači su bili eminentni stručnjaci u oblasti kardiologije: prof. dr. Nermir Granov, akademik prof. prim. dr. sc. Goran Krstačić, akademik prof. dr. Senka Dinarević, akademik prof. dr. sc. Mirza Žižak, akademik prof. dr. sc. Almir Badnjević, prof. dr. sc. Zdravko Babić, prof. dr. Nedžad Kadrić, prof. dr. Tamara Kovačević Preradović, prof. dr. Asim Bradić i dr. sci. med. Edin Begić.

Tokom Seminara je dodijeljeno priznanje dr. Jovanu Pejčiću, predsjedniku Upravnog odbora Asocijacije sportskih legendi i veterana Novog Sada za saradnju, razvoj sporta i Olimpizma.

Na Seminaru „Sport i srce“ susreli su se medicina, nauka i sport kako bi zajedno odgovorili na jedno od najvažnijih pitanja savremenog doba – kako zaštititi i unaprijediti zdravlje srca najvažnijeg mišića svakog sportiste, ali i svakog čovjeka!



3.7.2. Forum sportista 2025

Olimpijski komitet Bosne i Hercegovine, u saradnji sa Međunarodnim olimpijskim komitetom (MOK), organizovao je 2. Forum sportista OK BiH, koji se održao 26. novembra 2025. Ovaj događaj okupio je bivše, sadašnje i buduće vrhunske sportiste iz BiH, pružajući izvanrednu priliku za razmjenu iskustava, informacija i ideja među sportistima i sportskim radnicima.

U saradnji sa kolegama iz MOK-a, koncipiran je edukativni program koji obuhvata predavanja iz oblasti od posebnog značaja za sportiste, među kojima su MOK platforma Athlete 365, AI alati, genetski potencijali, trenažni proces kao i druge

aktuelne teme. "Forum sportista je izuzetan događaj koji na jednom mjestu okuplja bh. sportiste i nudi im priliku da steknu nova znanja te razgovaraju o temama koje su od najveće važnosti u ovom trenutku. Program foruma je dizajniran da osnaži, motiviše i ujedini sportsku zajednicu u Bosni i Hercegovini, istovremeno pružajući resurse za poboljšanje performansi sportista. Cilj Forumu je da okupljene sportiste učini jačim i solidarnijim, kako bi zajedno zastupali svoje interese i zalagali se za neophodnu promjenu," izjavio je Amel Tuka, predsjednik Komisije sportista OK BiH, tokom svog uvodnog obraćanja.



3.7.3. Olimpijski dan 2025, Ljubuški

U prelijepom ambijentu kod Vodopada Kravica nedaleko od Ljubuškog, 2025. godine održan je svečani događaj povodom Dana olimpiзма i Olimpijskog pokreta u Bosni i Hercegovini. Ovaj događaj je okupio veliki broj učesnika i posjetilaca, te je bio sjajna prilika za promovisanje olimpijskih vrijednosti, prijateljstva, poštovanja, izvrsnosti i zajedništva, kroz sport i edukaciju.

Preko 150 učesnika, među kojima su bili dječaci i djevojčice osnovnih škola, imalo je priliku da se okušaju u brojnim sportskim disciplinama kao što su biciklizam, košarka, fudbal, rukomet, tenis, atletika, karate, streličarstvo i cheerleading. Osim toga, organizirane su i pokazne prezentacije paraglidinga, motosporta i kajaka na divljim vodama, čime je dodatno obogaćen program.

“Olympic Day 2025” svečano je otvorio potpredsjednik Olimpijskog komiteta Bosne i Hercegovine, Davor Komšić.

Komšić je u svom obraćanju istakao važnost sporta i olimpijskih vrijednosti, kao i temeljnog cilja Olimpijskog komiteta BiH, a to je da u naredna dva olimpijska ciklusa povećamo broj olimpijaca, sudionika Olimpijskih igara.

Nakon službenog otvorenja, olimpijci Hamza Alić, Mirza Nikolajev i Emir Lokmić, simbolično su povelili krug zagrijavanja sa učesnicima, čime su započele sportske i edukativne aktivnosti koje su trajale do kraja dana.



Olimpijski komitet BiH ima jedinstveni cilj, a to je promoviranje Olimpijskog duha širom gradova Bosne i Hercegovine. Olimpijski dan, prvi put predstavljen 1948. godine u Parizu, obilježava se svakog 23. juna u preko 200 zemalja svijeta pod okriljem Međunarodnog olimpijskog komiteta i podrškom Olimpijske solidarnosti. Cilj je podsticanje učešća u sportu svih generacija, bez obzira na godine, spol ili fizičku sposobnost, te širenje olimpijskih vrijednosti širom svijeta.





olimpijski dan Ljubuški 2025

3.7.4. Specijalizacija u oblasti sportskog prava - Lejla Njemčević

NAJBOLJA BH BICIKLISTKINJA

10. 000 \$
grant



Najbolja bh biciklistkinja, Lejla Njemčević, je u prostorijama Olimpijskog komiteta Bosne i Hercegovine u julu 2025. godine potpisala ugovor o dodjeli "Athlete Education Grant", Olimpijske solidarnosti, koja je nezavisno tijelo Međunarodnog olimpijskog komiteta, odgovorno edukaciju i ulaganje u najbolje sportiste.

Grant je u ime OK BiH s Lejlom Njemčević potpisao predsjednik Olimpijskog komiteta BiH, akademik prof. dr. Izet Rađo. Grant u vrijednosti od 10.000 USD omogućava Lejli da pohađa magistarski studij iz oblasti sportskog prava na Institutu za sportsko pravo u Cirihi.

"Ponosni smo što možemo podržati Lejlu Njemčević, ne samo kao vrhunsku sportistkinju već i kao osobu koja nastavlja graditi svoje znanje. Ovaj grant je ulaganje u budućnost sporta, gdje naši šampioni postaju lideri i izvan sportskih terena", istakao je prof. dr. Rađo.

Njemčević je istakla kako je ovo jedinstvena prilika za specijalizaciju u sportskom pravu. "Nakon završetka Pravnog fakulteta, ovo će biti prva specijalizacija u sportskom pravu u BiH, podržana od MOK-a i OK BiH."

Potpisivanju granta sa Lejlom Njemčević prisustvovao je i generalni sekretar OK BiH, doc. dr. Said Fazlagić.



3.7.5. Master program sportske etike i integriteta - Žana Novaković

Olimpijka Žana Novaković, učesnica ZOI Vancouver 2010 i Sochi 2014, je u 2024. godini putem stipendije Olimpijske solidarnosti MOK-a započela edukaciju na master programu sportske etike i integriteta na Univerzitetu Leuvein u Belgiji.

Troškove dvogodišnjeg master programa snosi Olimpijska solidarnost MOK-a.



3.7.6. IOC Certificate: Safeguarding Officer in Sport - Ema Habul

Uposlenica Stručne službe OK BiH, Ema Habul je u 2024/2025. godini nastavila edukativni program odobren 2024. godine za Certifikat MOK-a za službenike za zaštitu u sportu. Program edukacije ima 7 nastavnih modula, putem kojih se upoznaje sa njihovom ključnom ulogom u prevenciji i odgovoru na uznemiravanje i zlostavljanje u sportu. Program je završen u maju 2025. godine, te OK BiH u skladu sa savremenim trendovima u Olimpijskom pokretu, ima prvog obučenog Safeguarding Officera (službenika za zaštitu) koji je kontakt osoba za pitanja zaštite i integriteta u sportu.





3.7.7. Olimpijske školarine za trenere UCI - Marko Martinović



Mladi, talentovani biciklistički trener iz Travnika, Marko Martinović, učestvovao je na edukaciji za UCI licencirane trenere u prestižnom Svjetskom biciklističkom centru (WCC) u Aigleu (Švicarska), a koje finansira Olimpijska solidarnost. Upoznajući metode rada, kulture i pristupe sportistima, Martinović je stekao uvid u raznolikost biciklističkih praksi širom svijeta.

“Zahvaljujući podršci Olimpijskog komiteta Bosne i Hercegovine (OK BiH) i Biciklističkog saveza Bosne i Hercegovine (BiSa BiH), imao sam čast sudjelovati u edukativnom programu Svjetskog biciklističkog centra (WCC) u Aigleu, Švicarska. Tokom četverotjednog boravka prošao sam kroz intenzivna predavanja i praktične radionice koje su vodili vrsni profesori sa svjetskih univerziteta te olimpijci, a teme su obuhvatale različite aspekte trenerskog posla u biciklizmu. Uz to, posjetio sam Međunarodni olimpijski komitet (IOC) i Olimpijski muzej u Lausanne, gdje sam imao priliku upoznati i ostvariti kontakte s vodećim stručnjacima iz svijeta sporta i biciklizma. Posebna vrijednost ove edukacije bila je saradnja i razmjena iskustava s nacionalnim biciklističkim trenerima iz 14 različitih zemalja sa svih pet kontinenata. Upoznajući njihove metode rada, kulture i pristupe sportistima, stekao sam uvid u raznolikost biciklističkih praksi širom svijeta”, naglasio je Martinović.



3.7.8. Olimpijske školarine za trenere IBU - Anastasija Vojinović

Anastasija Vojinović je u 2025. godini otpočela edukaciju za licencirane trenere u biatlonu, a koju finansiraju Olimpijska solidarnost i IBU.

Stechena znanja i neprocjenjiva iskustva sa edukativnih radionica i stručnog usavršavanja zasnovanog na najnovijim standardima i metodologijama Internacionalne biatlon unije će prenijeti na generacije mladih sportista i trenera u našoj državi.

Podrška Olimpijske solidarnosti i IBU-a dodatno potvrđuje važnost ulaganja u razvoj ljudskih resursa i infrastrukture za manje razvijene biatlonske zajednice. Očekuje se da će takvi programi dugoročno doprinijeti većem broju specijalizovanih trenera, bolje organiziranim programima za mlade te popularizaciji biatlona u Bosni i Hercegovini.



3.8.

OSTALI PROJEKTI

Olimpijskog komiteta Bosne i Hercegovine

3.8.1. Humanitarni rad 2024

HUMANITARNI
RAD 2024

Olimpijski komitet BiH je i u proteklom izvještajnom periodu nastavio svoju plemenitu misiju, obradovavši mališane novogodišnjim paketićima u okviru svoje godišnje humanitarne akcije. U 2024. godini, ukupno 154 paketića podijeljeno je djeci iz područja pogođenih nedavnim poplavama u Jablanici, zatim djeci sa Pala i Kreševa, čime je održana dugogodišnja tradicija organizacije ovih aktivnosti.

Prva dodjela paketića održana je u Jablanici, gdje su mališani iz Osnovne škole Suljo Čilić primili poklone iz ruku predsjednika OK BiH, akademika prof. dr. Izet Rađe i generalnog sekretara doc. dr. Saida Fazlagića. Ovoj humanitarnoj misiji pridružio se i profesor dr Zoran Milošević iz Novog Sada, koji je uručio dva laptopa, donirajući ih direktoru Cemić Adisu za potrebe škole.

Druga dodjela paketića upriličena je u Kulturnom centru Pale, gdje je paketiće mališanima uručila Tanja Karišik Košarac, trostruka olimpijka i članica Izvršnog komiteta OK BiH.

Za završetak godine, paketići su dodijeljeni i članovima Udruge mladih sportaša "Univerzalna sportska škola Sparta" u Srednjoškolskom centru "Kreševo". Paketiće su uručili potpredsjednik OK BiH Davor Komšić i generalni sekretar OK BiH doc. dr. Said Fazlagić.

Olimpijski komitet Bosne i Hercegovine je posebno ponosan na ovu tradiciju i ističe zadovoljstvo što može uveseljavati najmlađe. Nastavićemo s dodjelom novogodišnjih paketića, uvjereni da su dječija sreća i osmijeh najveća nagrada koja se može dobiti.





3.8.2. Humanitarni rad 2025


U 2025. godini, OK BiH je obradovao mališane novogodišnjim paketićima u tri bh. grada, podijelivši ukupno 150 paketića. Prva dodjela paketića održana je u Jajcu, gdje su mališani vrtića „Bare“ i udruženja Kapljica rasta „Vodopad Ljubavi“ uz ugodno druženje primili novogodišnje paketiće. Zatim smo otišli u Gradišku gdje nas je dočekala mlada i perspektivna teniserka Tea Kovačević. Zajedno smo uručili prigodne poklone šticienicima Udruženja „Duga“ i školarcima osnovnih škola „Vasa Čubrilović“ i „Kozarska djeca“. Za posljednje ovogodišnje odredište izabrali smo Osnovnu školu Ahmed Muratbegović - područna škola Bilješevo. Uz veselo druženje sa djecom, paketiće je uručio dvostruki olimpijac i predsjednik Komisije olimpijaca OK BiH Amel Tuka. Olimpijski komitet Bosne i Hercegovine izražava ponos i zadovoljstvo što uveseljava najmlađe. Nastavićemo s dodjelom novogodišnjih paketića i narednih godina, uvjereni da je dječija sreća i osmijeh najveća nagrada koju mogu dobiti.



3.8.3. Menadžment inicijative 2025

Olimpijski komitet BiH je tokom 2025. godine realizovao projekat Menadžment inicijative iz programske oblasti NOK menadžementa Olimpijske solidarnosti Međunarodnog olimpijskog komiteta

Projekat je omogućio nabavku neophodne IT opreme za rad kancelarije Stručne službe OK BiH, u cilju neometanog i produktivnog operativno-logističkog i administrativno-tehničkog rada.



3.9.

SPECIJALNA PARTNERSTVA

3.9.1. Sportske igre mladih 2025

Tradicionalno specijalno partnerstvo OK BiH najmasovnijeg projekta za djecu i mlade u Bosni i Hercegovini - Sportskih igara mladih, realizovano je i u 2025. godini.

Nakon 157 dana takmičenja u 50 gradova i opština širom Bosne i Hercegovine, završena je rekordna 15. sezona Plazma Sportskih igara mladih. Veliko finale, održano u dvije smjene u Sarajevu, okupilo je više od 1.800 finalista iz 67 gradova i opština, a tokom cijele sezone kroz Igre je prošlo više od 71.000 djece i mladih. Projekat je usko vezan sa filozofijom olimpizma, olimpijskim duhom i vrijednostima koje su učesnici tokom projekta demonstrirali slaveći pobjedu u duhu prijateljstva, fer pleja i izvrsnosti.

Sportske igre mladih doprinose razvoju tolerancije i solidarnosti, poštovanju različitosti, stvaranju novih prijateljstava, te omogućavaju fer djetinjstvo za sve mališane.

Vrijednost podrške OK BiH kroz specijalno partnerstvo je 10.000 USD.



3.9.2. Ostala specijalna partnerstva OK BiH (bez materijalno - finansijske kontribucije)

OK BiH je u mandatnom periodu bio specijalni partner bez materijalno-finansijske kontribucije i na sljedećim sportskim manifestacijama i događajima: Bentbaša Summer Fest u Sarajevu, 4Falcons trka sa preprekama u Banjaluci, Blidinje Bike Festival, Sarajevo Olympic Week, Tenis Pyramid Cup 2025 u Visokom i drugim značajnim projektima za promociju sporta, fizičkih aktivnosti i potencijala Bosne i Hercegovine.



SPONZORI I PARTNERI

Olimpijskog Komiteta BiH

Coca-Cola

bh
Moja priča.

NUMBER1

LUTRIJA
BOSNE I HERCEGOVINE

”

Majka Tereza

Nitko sam ne može činiti
velike stvari, ali svatko
može činiti male stvari
s velikom ljubavlju. Tek
zajednički možemo činiti
velike stvari.



4.1.

OLIMPIJSKI KOMITET I COCA-COLA U BOSNI I HERCEGOVINI nastavljaju stvarati olimpijske priče

Olimpijski komitet Bosne i Hercegovine i Coca-Cola u BiH su u mandatnom izvještaju nastavili dugogodišnju saradnju.

Tokom četiri godine (2024-2028) Coca-Cola u Bosni i Hercegovini će biti partner Olimpijskom komitetu BiH i bh olimpijcima u pripremama za postizanje novih sportskih rezultata, legendi i uspomena za Olimpijski muzej.

Iznos četverogodišnjeg partnerstva je:
160.000 KM.

Coca-Cola Coca-Cola Coca-Cola



4.2.

BH TELECOM I OLIMPIJSKI KOMITET BOSNE I HERCEGOVINE

nastavljaju višedecenijsku saradnju

Generalni direktor BH Telecom-a gosp. Amel Kovačević ugstio je na radnom sastanku predstavnike Olimpijskog komiteta Bosne i Hercegovine predsjednika akademika Izeta Rađu i generalnog sekretara dr. sci. Saida Fazlagić. Tema sastanka je bio nastavak višedecenijske uspješne saradnje OK BiH i BH Telecoma.

Kompanija BH Telecom je ponosni partner i sponzor Olimpijskog komiteta BiH, a njihova kontinuirana podrška i prisustvo, postali su neizostavni dio olimpijske porodice i Olimpijskog pokreta u BiH, te svake uspješne sportske aktivnosti.

BH Telecom prepoznao je u Olimpijskom komitetu BiH sportsku instituciju vrijednu i dostojnu strateškog partnerstva i saradnje i na tome je OK BiH zahvalan.



bh

Moja priča.

bh

Moja priča.

bh

Moja priča.

BH TELECOM I OK BIH,

jačanje partnerstva za buduće generacije

Generalni direktor BH Telecoma, Amel Kovačević, istakao je važnost zajedničkog djelovanja.

“Dugogodišnja saradnja između Olimpijskog komiteta Bosne i Hercegovine i BH Telecoma je dobro poznata. BH Telecom je, faktički, zaštitni znak različitih sportskih uspjeha bosanskohercegovačkog društva.”

Kovačević je naglasio i ponos kompanije na sportiste.

“Treba reći da smo ponosni na sve rezultate koje su bosanskohercegovački sportisti ostvarili pod zastavom Bosne i Hercegovine i s logom BH Telecoma širom svijeta.” BH Telecom vidi u OK BiH instituciju vrijednu podrške i razvoja zajedničkih projekata. Direktor je dodao da će buduća saradnja biti usmjerena na promociju olimpijskih vrijednosti i prenošenje iskustava vrhunskih sportista na mlađe generacije.

“Ta saradnja treba da se očituje kroz zajedničke aktivnosti u promovisanju vrijednosti Olimpijskog komiteta BiH - vrijednosti koje su neophodne, a često deficitarne u bh. društvu, posebno među

mladima.” Olimpijski komitet BiH zahvalan je BH Telecomu na kontinuiranoj podršci, ocjenjujući kompaniju ključnim partnerom u razvoju sporta i afirmaciji vrijednosti olimpizma u zemlji. Planirane su zajedničke aktivnosti i projekti koji će dodatno osnažiti ulogu sporta u društvu i motivisati mlade talente da slijede uspješne primjere domaćih sportista. Nastavak saradnje posvećen je dugoročnom razvoju sporta, edukaciji mladih i promociji liderstva kroz sport.



4.3.

NASTAVLJENA DUGOGODIŠNJA
SARADNJA OK BiH I LUTRIJE BiH

koja iz višegodišnje prelazi u
višedecenijsku



Lutrija BiH, predvođena direktorom Edhemom Pašukanom, je potpisom novog jednogodišnjeg Ugovora još jednom potvrdila da cijeni sport i vrhunska sportska dostignuća. Na ovaj način Lutrija Bosne i Hercegovine je demonstrirala društvenu odgovornost kroz implementaciju olimpijskih vrijednosti poštovanja i izvrsnosti u poslovanju, planiranju i investiranju.

OK BiH je zahvalan društveno odgovornim kompanijama na partnerstvu uz konstataciju da su cjelokupna sponzorska sredstva ostvarena u prošloj i ovoj godini u OK BiH, uplaćena vrhunskim sportistima i olimpijcima kroz Program+ i druge projekte podrške najboljima od najboljih.



4.4.

NUMBER1

oprema olimpijskih timova
Bosne i Hercegovine



U mandatnom periodu 2024 - 2026 nastavljena je saradnja sa renomiranim bh brednom sportske opreme NUMBER1.

Već drugi olimpijski ciklus, kompanija NUMBER1 je vjerni partner olimpijskih selekcija Bosne i Hercegovine na međunarodnoj sportskoj sceni.



4.5.

SARADNJA

OK BiH i ASA BOLNICE

Olimpijski komitet Bosne i Hercegovine (OK BiH) i ASA Bolnica potpisali su Memorandum o saradnji u cilju jačanja podrške vrhunskim sportistima BiH iz domena zdravstva. Memorandum su u prostorijama OK BiH u Sarajevu potpisali direktor ASA Bolnice prof. Mustafa Hiroš, i predsjednik OK BiH akademik prof. dr. Izet Rađo.

Vrhunskim sportistima potrebno je posvetiti pažnju, kako bi u kontinuitetu i bez opasnosti za opšte zdravstveno stanje nastavili ostvarivati vrhunske rezultate, te promovisati bh sport i našu zemlju. Direktor ASA Bolnice prof. Hiroš istakao je činjenicu kako je ostvarena dobra saradnja, te da će zajedno sa OK BiH nastaviti razvijati ovaj oblik saradnje u korist sporta i sportista.

ASA Bolnica je najsavremenija, a ujedno i jedna od najmlađih u regionu. Prva privatna opća bolnica u Bosni i Hercegovini - ASA Bolnica, obilježava godinu dana uspješnog rada i poslovanja. U proteklih 12 mjeseci, bolnica je postala primjer uspješne sinergije domaćih stručnjaka, inovacija i posvećenosti pacijentima.



4.6.


VAŽNA SARADNJA,

OK BiH i IDDEEA BiH potpisali Memorandum o digitalizaciji sporta

U OK BiH je ozvaničena saradnja Olimpijskog komiteta BiH i Agencije za identifikacione dokumente, evidenciju i razmjenu podataka (IDDEEA), s ciljem digitalne modernizacije i osnaživanja sportskog sektora u našoj zemlji.

Memorandum predviđa implementaciju kvalifikovanog elektronskog potpisa, te korištenje mobilne aplikacije e-IDDEEA za potrebe sportista, sportskih saveza i organizacija u okviru sistema Olimpijskog komiteta BiH. Ova saradnja predstavlja snažan korak ka digitalnoj transformaciji sportskih institucija, omogućavajući sigurnu i efikasnu identifikaciju, elektronsku autentifikaciju i potpisivanje dokumenata – bez papira, čekanja i komplikacija.

Iz Olimpijskog komiteta BiH istaknuto je da ova inicijativa ima višestruku vrijednost – ne samo kao tehničko unapređenje, već i kao simbol partnerskog odnosa između državnih institucija i sportskih struktura, u zajedničkom cilju promocije BiH u najboljem svjetlu.



Važna saradnja, OK BiH i IDDEEA BiH potpisali Memorandum o digitalizaciji sporta

4.7.

SARADNJA

Olimpijskog komiteta Bosne i Hercegovine i Dental centra Marković iz Sarajeva

Olimpijski komitet Bosne i Hercegovine i Dental Centar Marković iz Sarajeva potpisali su sporazum o saradnji. Ovom saradnjom, korisnici besplatnih stomatoloških usluga su sportisti i stipendisti Olimpijskog komiteta BiH, odnosno osobe za koje je izdata potvrda od strane Olimpijskog komiteta BiH.

Besplatne usluge obuhvataju preglede, liječenje, hitne intervencije i druge osnovne stomatološke usluge. Za sve protetske usluge, ortodonciju, implantologiju i estetsku stomatologiju, odobrava se rabat od 50%. Ugovor su u ime OK BiH potpisali generalni sekretar, doc. dr. Said Fazlagić, dok je u ime Dental Centra Marković, njegov osnivač Davor Marković.

Ova saradnja jača podršku sportistima i podstiče zdravlje u olimpijskom timu.



4.8.

SPORAZUM

za razvoj sporta i edukaciju sportista

Predsjednik Olimpijskog komiteta BiH akademik prof. dr. sc. Izet Rađo i rektorica Univerziteta "Džemal Bijedić" u Mostaru prof. dr. Alena Huseinbegović potpisali su Memorandum o saradnji kojim su uspostavili okvir za zajednički razvoj sporta.

Memorandumom se potpisnici obavezuju na razvoj i produbljivanje partnerske saradnje radi jačanja međusobnih odnosa u cilju edukacije vrhunskih sportista i razvoja olimpijskih sportova, te na zajedničku podršku organizaciji naučnih i stručnih radionica, susreta istraživača i predavača te uključivanje budućeg Sportsko-edukacijskog centra u kampusu.

Potpisivanju su, pored potpisnika, prisustvovali generalni sekretar OK BiH doc. dr. Said Fazlagić, prorektorica za finansije prof. dr. Armina Hubana, prorektorica za naučno-nastavna pitanja prof. dr. Azra Špago, prorektorica za nauku i naučno-istraživački rad doc. dr. Amela Piralić i prof. dr. Damir Đedović.



4.9.

POTPISAN MEMORANDUM O SARADNJI

između Olimpijskog komiteta Bosne i Hercegovine i Energoinvesta

MEMORANDUM
OK BIH ENERGOINVEST

Olimpijski komitet Bosne i Hercegovine i Energoinvest potpisali su Memorandum o razumijevanju, kojim su definisali aktivnosti usmjerene na jačanje sportskog sistema u BiH, s posebnim fokusom na podršku olimpijcima, vrhunskim sportistima i mladim talentima.


Direktor Energoinvesta, Mirza Ustamujić, istakao je da je ova kompanija ponosni simbol bosanskohercegovačke privrede s više od 70 godina tradicije.

“Kompanija Energoinvest je imala značajnu ulogu u organizaciji i infrastrukturnom dijelu Zimskih olimpijskih igara 1984. godine u Sarajevu, od tada je naša veza neraskidiva. S druge strane, Energoinvest je prepoznatljiv bh brend za koji volim reći da je mnogo više od same kompanije, izuzetno je posvećen društvenoj odgovornosti, razvoju mladih talenata u oblasti sporta i kulture, te stvaranju boljih uslova za njihov napredak. Energoinvest je sinonim za povjerenje, kvalitet i stabilnost, ne samo u energetskej i infrastrukturnoj oblasti, već i u podršci ovakvim inicijativama, što nas diverzificira od svih kompanija u ovom segmentu i čini apsolutnim liderom pozitivnih promjena, što se na kraju od nas i očekuje”, naglasio je Ustamujić. Ovo partnerstvo još je jedan korak ka unapređenju sporta u BiH, a saradnja s privrednim sektorom pokazuje koliko je važno zajednički ulagati u buduće sportske uspjehe.



OLIMPIJSKA KUĆA

Bosne i Hercegovine



”

**Juan Antonio
Samaranch**

Olimpizam je brak
sporta i kulture.



NENAD LALOVIĆ*u posjeti Olimpijskom muzeju BiH*

Predsjednik Svjetske hrvatske federacije i član Izvršnog komiteta MOK-a Nenad Lalović posjetio je Olimpijski muzej u Sarajevu, a domaćini su mu bili predsjednik Olimpijskog komiteta Bosne i Hercegovine akademik prof. dr. Izet Rađo i generalni sekretar OK BiH doc. dr. Said Fazlagić.

Tokom posjete gospodinu Laloviću je predstavljena ideja i intencija Olimpijskog komiteta da se Sarajevo i Istočno Sarajevo kandiduju za Olimpijske igre mladih (YOG) 2032.

Lalović je potvrdio kako je ovaj termin moguć i realan, i izrazio maksimalnu podršku, te obećao da će se angažovati na promociji ove ideje. Stav MOK-a je da se YOG dodjeljuje onim državama i gradovima koji su prije bili domaćini olimpijskih igara, kazao je predsjednik Svjetske hrvatske federacije i član Izvršnog komiteta MOK-a Nenad Lalović. Gost je obišao Olimpijski muzej izražavajući oduševljenje i ne krijući svoje emocije.



REKTOR SUM-A*u posjeti Olimpijskom komitetu BiH*

Rektor Sveučilišta u Mostaru, prof. dr. sc. Zoran Tomić, posjetio je Olimpijski komitet Bosne i Hercegovine i Olimpijski muzej u Sarajevu, gdje ga je primio predsjednik OK BiH, akademik prof. dr. Izet Rađo. U atmosferi međusobnog poštovanja i zajedničke vizije, razgovarano je o konkretnim koracima ka uspostavi Sportskog odjela pri Rektorskoj konferenciji BiH, s ciljem systemske podrške studentskom sportu i uključivanja mladih sportista u međunarodne univerzitetske manifestacije poput Univerzijade. "Olimpijski duh i akademska zajednica zajedno mogu donijeti novu vrijednost za sport u BiH. Partnerstvo sa sportskim institucijama temelj je odgoja mladih

koji ne teže samo znanju, već i izvrsnosti, poštovanju i jedinstvu, vrijednostima koje baštini i olimpizam", poručio je prof. dr. Tomić.

Posjeta je simbolizirala most između znanja i sporta, prošlosti i budućnosti, jer kako je naglašeno, razvoj mladih zahtijeva cjeloviti pristup u kojem se intelektualni i sportski potencijal ne razdvajaju, već nadopunjuju. Saradnja SUM-a i OK BiH, potvrđena prošlogodišnjim Memorandumom o razumijevanju, strateški je usmjerena na edukaciju vrhunskih sportista, razvoj olimpijskih sportova, akademsku i naučnu razmjenu, te zajedničko apliciranje na EU projekte u oblasti sporta. U sklopu posjete, prof. Tomić obišao je i Olimpijski muzej u Sarajevu, gdje je razgovarao s direktoricom muzeja Senkom Ibrišimbegović. Na kraju susreta, predsjednik OK BiH uručio mu je simbolične poklone kao trajno sjećanje na Zimske olimpijske igre 1984. godine u Sarajevu – događaj koji i danas živi kao snažan podsjetnik na moć sporta da ujedini ljude i inspiriše generacije.



PREDSJEDNIK

Zdravstvene komisije OK BiH u radnoj posjeti OK BiH

Predsjednik Zdravstvene komisije Olimpijskog komiteta BiH, dr. Semin Bećirbegović, boravio je u radnoj posjeti u Olimpijskom komitetu BiH.

Tokom posjete, dogovoreni su naredni koraci i dinamika organizacionih priprema događaja iz domena Zdravstvene komisije, te ostale aktivnosti od značaja za mandatni period.



RADNI SASTANAK

OK BiH i KJP ZOI '84



U prostorijama OK BiH, predsjednik akademik prof. dr. Izet Rađo i generalni sekretar doc. dr. Said Fazlagić ugodili su generalnog direktora KJP ZOI '84, Jasmina Mehića, i rukovodioca OC Zetra, Seja Bukvu.

Odlični odnosi KJP ZOI '84 i krovne sportske organizacije OK BiH su višedecenijski, a oni se ogledaju i u konstantnim i aperiodičnim sastancima s ciljem jačanja ionako dobre saradnje dvije sestrinske organizacije pod jednim krovom OC Zetra.

Razgovori su vođeni o raznim temama i tekućim pitanjima, s fokusom na kandidaturu Sarajeva i Istočnog Sarajeva za YOG (Svjetske olimpijske igre mladih), organizaciju velikih sportskih takmičenja uz korištenje kapaciteta i borilišta kojim gazduje ZOI '84, korištenje ovih kapaciteta od strane vrhunskih sportista i sportskih saveza BiH, kao i održavanja i modernizacije prostorija u kojima su smještene ove dvije organizacije.

PREDSJEDNIK KOMISIJE*za međunarodne odnose u posjeti OK BiH***BRANISLAV STOJKIĆ***u radnoj posjeti OK BiH*

Predsjednik OK BiH akademik prof. dr. Izet Rađo, generalni sekretar OK BiH doc. dr. Said Fazlagić i viši stručni saradnik doc. dr. Dejana Planinčić primili su u radnu posjetu predsjednika Komisije za međunarodne odnose IK OK BiH, Đorđa Jugovića.

Tokom sastanka razgovarano je o radu Komisije za međunarodne odnose, kao i pripremi kandidature Sarajeva i Istočnog Sarajeva za Zimske Olimpijske igre mladih

2032. godine. Ovaj ambiciozni projekat predstavlja značajan korak ka povratku olimpijskog plamena, promociji olimpijskih vrijednosti, međunarodne saradnje i razvoja infrastrukture, a njegovo ostvarenje bi moglo donijeti mnoge benefite za Bosnu i Hercegovinu i regiju.

Predsjednik OK BiH prof. dr. Izet Rađo primio u u radnu posjetu g-dina Branislava Stojkića, člana Skupštine OK BiH i člana Suda časti i sportske arbitraže OK BiH.


Tokom sastanka razgovaralo se o trenutnoj situaciji u bh sportu sa posebnim osvrtom na rukometni sport. Predsjednik Rađo je sa g-dinom Stojkićem razmjenio tekuće informacije o aktivnostima i procesima u Olimpijskom komitetu BiH.



FINANSIJSKI PREGLED

aktivnosti OK BiH

7. 11. 2024 - 7. 3. 2026.



6.1.

TABELA
projektnih aktivnosti

RB	NAZIV PROJEKTA	BAM			
1	Zimski EYOF Bakuriani 2025	18.018,00	19	Nabavka sportske opreme za reprezentativne selekcije i VIP poklone	35.000,00
2	Ljetni EYOF Skopje 2025	106.454,32	20	Forum sportista 2025	18.808,79
3	ZOI Milano Cortina 2026 (u toku - aproksimativni iznos)	73.500,00	21	Seminar sportske medicine 2025	12.471,51
4	Olimpijske stipendije Milano Cortina 2023 - 2026	356.809,00	22	Master program sportske etike i integriteta (Žana Novaković) 2023 - 2026	44.400,00
5	Kontinentalni grant i Program+ (2024. godina)	134.153,89	24	Olimpijske školarine za trenere UCI - Marko Martinović 2025	12.003,00
6	Kontinentalni grant i Program+ (2025. godina)	205.361,92	25	Olimpijske školarine za trenere IBU - Anastasija Vojinović 2025	22.044,00
7	Program+ 2026 (ZOI Milano Cortina i Yaser Salem)	40.000,00	26	Specijalizacija u oblasti sportskog prava - Lejla Njemčević 2025	17.556,00
8	Program plus za mlade nade 2025	41.572,40	27	MEMOS Konvencija Dejana Planinčić 2025	1.867,00
9	Olimpijske stipendije Los Angeles 2028 (septembar 2025 - mart 2026)	105.050,00	28	Forum sportista Evrope za Komisije sportista NOK-ova, Amel Tuka i Mesud Pezer 2025	1.875,00
10	Nagrade za istaknuti sportski rezultat za 2024. godinu	61.000,00	29	IOC Certificate: Safeguarding Officer in Sport (Ema Habul) 2025	3.492,00
11	Nagrade za učešće na Olimpijskim igrama Pariz 2024 (Predsjedništvo BiH)	25.000,00	30	Olimpijski dan 2025	8.431,00
12	Nagrade za istaknuti sportski rezultat za 2025. godinu	25.000,00	31	Izbor sportiste 2024. godine u organizaciji OK BiH	24.876,18
13	Napredni kursevi menadžmenta u sportu ASMC 2025	25.500,00	32	Izbor sportiste 2025. godine u organizaciji OK BiH	25.545,48
14	Razvoj državne sportske strukture - golf 2024	18.550,00	33	EOK Specijalne aktivnosti 2025	58.289,00
15	Razvoj državne sportske strukture - atletika 2025	68.000,00	34	SAFEHARBOUR - sufinansiranje putem Olimpijske solidarnosti	30.745,00
16	Grant podrške timskom sportu - Ženska košarkaška reprezentacija BiH 2024	44.917,00	35	Menadžment inicijative OK BiH 2025	25.016,00
17	Grant podrške timskom sportu - Ženska ragbi reprezentacije BiH 2025	33.985,12	36	Humanitarni rad 2024	4.561,90
18	IBU - Omladinski trening kamp Njemačka 2025	7.954,00			

Tabela projektnih aktivnosti

RB	NAZIV PROJEKTA	BAM
36	Humanitarni rad 2024	4.561,90
37	Humanitarni rad 2025	5.000,00
38	Mandatna knjiga - Izvještaj o radu Olimpijskog komiteta BiH za period 07. 07. 2023 - 07. 11. 2024. godine (16 mjeseci, predsjednik akad. Izet Rađo)	2.000,00
39	Publikacija "40. godišnjica olimpijskih igara u Sarajevu" 2024	7.189,50
40	Obilježavanje 41. godišnjice ZOI 84 Sarajevo	3.250,00
41	Specijalno partnerstvo Simpozij „Diplomatija u sportu kao društveni fenomen međunarodne promocije i razvoja Bosne i Hercegovine“ 2025	600,00
42	Specijalno partnerstvo Simpozij “Zdravo starenje” 2025	0,00
43	Specijalno partnerstvo Sportske igre mladih 2025	16.909,24
44	Specijalna partnerstva bez materijalno-finansijske kontribucije: Sarajevo Olympic Week, Skakavac Ultra Trail, "Vivia Run&More Weekend festival" Banja Luka, te podržao mnoge sportske događaje u Bosni i Hercegovini. (2024)	0,00
45	Specijalna partnerstva bez materijalno-finansijske kontribucije: Bentbaša Summer Fest u Sarajevu, 4Falcons trka sa preprekama u Banjaluci, Blidinje Bike Festival, Sarajevo Olympic Week, Tennis Pyramid Cup 2025 u Visokom i drugim značajnim projektima. (2025)	0,00
UKUPNO		1.772.756,25

RB	EU PROJEKTI	BAM
1	IPA II - STEPIn	36.218,39
2	Erasmus+ Sport4Rules	1.303,17
3	Erasmus+ MLEA	949,65
4	Erasmus+ Women for Sport	201.801,81
5	OCEAN	9.736,98
6	Publikacija Strategije OCEAN	2.769,45
7	ENGSO Sport As Values	12.499,24
8	Olympic Kids	32.763,68
9	SAFEHARBOUR	2.110,00
10	STRONG	2.043,80
11	COMPASS	983,00
12	Evropska sedmica sporta 2024	0,00
13	Evropska sedmica sporta 2025	268.806,60
14	Interaktivna radionica Erasmus+	0,00
15	EOC EU Office radionice Brisel	2.000,00
UKUPNO		573.985,77
UKUPNA VRIJEDNOST PROJEKTHNIH AKTIVNOSTI		2.346.742,02

6.2.
EKSTERNA
revizija

Olimpijski komitet Bosne i Hercegovine u 2024. godini je imao međunarodnu reviziju utroška sredstava Olimpijske solidarnosti MOK-a. Rezultati međunarodne nezavisne revizorske kuće Međunarodnog olimpijskog komiteta - Mazars - koja je izvršila reviziju sredstava Olimpijske solidarnosti. Kako je u analizi revizije naveo specijalista kontrole grantova Međunarodnog olimpijskog komiteta Philippe Mankulyan: “Prema izvještaju, u ovom postupku nisu navedeni nikakvi činjenični propusti. Hvala na savršenom izvještavanju i dokumentovanju rashoda i troškova”. Ovo je potvrda da je OK BiH kredibilna organizacija koja posluje u skladu sa najvišim finansijskim standardima Međunarodnog olimpijskog komiteta.

Takođe u 2025. godini u cilju osiguranja što transparentnijeg rada i predstavljanja finansijske politike međunarodnim i domaćim relevantnim organizacijama i institucijama, OK BiH je angažovao eksternu revizorsku kuću za provođenje revizorske kontrole finansijskog poslovanja OK BiH za 2024. godinu.

Shodno Odluci Izvršnog komiteta OK BiH, ista praksa angažovanja eksterne revizorske kuće bit će nastavljena i u narednim godinama.

Pored navedene revizije finansijskog poslovanja za 2024. godinu, OK BiH je angažovao eksternu revizorsku kuću i za dodatne dvije revizije, i to za grant sredstva Ministarstva civilnih poslova BiH na dodijeljeni iznos u visini od 130.000 KM, te za grant sredstva Federalnog ministarstva kulture i sporta na iznos od 150.000 KM.

Svi izvještaji eksterne revizije su bili pozitivni, te kao takvi su dostavljeni na adrese relevantnih institucija.

Results of procedure 3: Expenses Documentation Testing

The objective of these procedures is to ensure that the NOC's expenditure is adequately documented and reported accurately and consistently in the financial reports submitted on RELAY. According to the report, no factual findings were indicated under this procedure. Thank you for the perfect reporting and documentation of expenses.


Rezultati Zadatka br. 3: Testiranje dokumentacije rashoda/troškova

Cilj ovih postupaka je osigurati da su rashodi/troškovi NOC-a primjereno dokumentirani i prijavljeni točno i dosljedno u finansijskim izvještajima podnesenim na RELAY-u. Prema izvještaju, u ovom postupku nisu navedeni nikakvi činjenični propusti. Hvala na savršenom izvještavanju i dokumentovanju rashoda/troškova.

We would appreciate it if you could kindly get back to us with your comments on the above-mentioned points at your earliest convenience but no later than **Friday 27 September 2024**.

We remain on-hand should you have any queries or for any further assistance that your NOC may require and thank you in advance for your continued cooperation.

Yours sincerely,



Philippe Mankulyan
Grants Controlling Specialist

Encl. Control report on the use of Olympic Solidarity funds by NOCs
Foreign Exchange Policy Template
Risk management guidance & Risk register

6.3.
DOMAĆI
grantovi i aplikacije

INSTITUCIJA	IZNOS BAM	GODINA
Predsjedništvo Bosne i Hercegovine	25.000,00	(podrška bh Olimpijcima Pariz 2024)
Ministarstvo civilnih poslova Bosne i Hercegovine	130.000,00	2024
Ministarstvo civilnih poslova Bosne i Hercegovine	130.000,00	2025
Vlada Federacije Bosne i Hercegovine	150.000,00	dividende BH Telecoma
Federalno ministarstvo kulture i sporta	150.000,00	2025
Ministarstvo kulture i sporta Kantona Sarajevo	10.000,00	2024. godina - sufinansiranje EU projekata
Ministarstvo kulture i sporta Kantona Sarajevo	15.000,00	2024. godina - testiranje vrhunskih sportista



Veliko hvala!

Potpredsjednicima, Generalnoj skupštini OK BiH, članovima Izvršnog komiteta OK BiH, Generalnom sekretaru OK BiH, članovima komisija OK BiH, posvećenim uposlenicima naše Stručne službe, poslovnim partnerima, sponzorima i institucijama koje podržavaju našu viziju i misiju, a posebno sportistima, njihovim roditeljima, sportskim radnicima i sportskim savezima BiH, predvođenim predsjednicima i generalnim sekretarima.

Posebnu zahvalnost upućujemo Međunarodnom olimpijskom komitetu, Olimpijskoj solidarnosti, Evropskoj uniji, Asocijaciji nacionalnih olimpijskih komiteta, Evropskim olimpijskim komitetima i Internacionalnom komitetu mediteranskih igara za kontinuirano partnerstvo i podršku.

S poštovanjem,




Akademik prof. dr. Izet Rađo
Predsjednik Olimpijskog komiteta
Bosne i Hercegovine



INTERNATIONAL
OLYMPIC
COMMITTEE



**OLYMPIC
SOLIDARITY**



C I J M

PONOSNI

OLIMPIJSKOG KOMITETA

PARTNERI

BOSNE I HERCEGOVINE

Coca-Cola

bh 

Moja priča.

Coca-Cola

bh 

Moja priča.

 **LUTRIJA**
BOSNE I HERCEGOVINE

NUMBER1 

 **LUTRIJA**
BOSNE I HERCEGOVINE

NUMBER1 



Izvještaj o radu

7. 11. 2024 - 7. 3. 2026.

Za izdavača

Olimpijski komitet BiH

Tehničko uređenje i dizajn

Izdavačka agencija VS Design

Fotografije

Amel Emrić

Getty Images

Arhiva OK BiH

Izdavač

Olimpijski komitet Bosne i Hercegovine

Godina izdavanja i štampanja

2026.

Štampa

Štamparija Fojnica

Tiraž

Sarajevo, 2026.



Izvještaj o radu

7. 11. 2024 - 7. 3. 2026.